



BIBLIOTHECA  
UNIV. JAGIELL.  
CRACOVENSIS

Mag. St. Dr.

35419

I

35420

P

THEOLOGIA.

N. 459.




35419-35420


I

8

X. h. 9







# SYNCRETISMUS CONFIDENTI- ALIS

NONNULLORUM DEBI-  
LIUM CATHOLICORUM  
IN X. PRINCIPIIS,

è  
CONFIDENTIA CUM DISSIDEN-  
TIBUS, HAUSTIS, RELU-  
CENS,


*SALUTARITER EXTINGVITUR.*

Per  
P. GODEFRIDUM HANNENBERG S. J. THEOL.  
*Opus Posthumum.*

— — — — —  
C A L I S S I I,

Typis, Collegii Societatis JESU.  
Anno 1730.





IMPRIMATUR  
ALEXANDER GORZENSKI

Canonic. Cathe. Gnesnens. Archi Dia-  
conus & Offici: Calissiensis mpr.

JOANNES JUSKIEWICZ,  
PRÆPOSITUS PROVINCIALIS

Soc. JESU per Poloniam.

354197  
**C**UM Opus quod inscribitur *Syncretis-  
mus Confidentialis conscriptum*, aliquot  
ejusdem SOCIETATIS Theologi reco-  
gnoverint, & in lucem edi posse proba-  
verint, potestate mihi facta ab A.R.P. No-  
stro *Michàele Angelo Tamburino*, Societa-  
tis Nostræ præposito Generali, faculta-  
tem concedo, ut typis mandetur, si iis ad  
quos pertinet, ita videbitur. In cujus fi-  
dem, has Literas manu meâ firmatas & si-  
gillo munitas dedi. Cracoviæ 27. Maij. 1730.

*Idem qui supra mpr.*



*Ad Lectorem.*



Ametſi apud Diſſidentes ſolùm Syncretiſmus verè & propriè talis locum invenerit, nihilominus languidiores quoque inter Catholicos, reperiuntur homines ejuſmodi, qui nonnulla adverſæ Religionis Principia, & Syncretiſmum quendam ſaltem impropriè dictum, unà cum confidentia (quem & propterea confidentialem nuncupamus) à modernis contraxère Diſſidentibus. Quoniam verò experientiâ edocemur, languorem eorum, qui ſe Catholicos profitentur, & quandam in Fide indifferentiam, Eccleſiæ ſanctæ longè pernicioſiorem eſſe, quàm præſervidas Sectariorum impugnationes: Quomadmodum & venenum in viscera receptum, plus afferre ſolet periculi, quàm Adverſarius aperto Marte dimicans; unde & tales ipſimet DEO ſunt abominabiles, juxta illud: *Utinam frigidus aut calidus eſſes! ſed quia tepidus es, incipiam te evomere ex ore meo.* Apoc. 3. v. 16. Proinde, invocato Numine, conſtitui, languorem hunc ad ſaniores ſentum reducere, & præſatum Syncretiſmum, diſſipata, malè congeſtorum Principiorum ſtrue, velut incendiū in ſcintilla reſtinguere.

A

PRIN-



# PRINCIPIUM PRIMUM.

I. *UT* quid tanta circa Veritatis indagacionem, aut penitentiae aliorumq; bonorum operum exercitium, sollicitudo exigitur? Sine DEI Gratia nihil possumus prout oportet ad Salutem. Vel igitur dabit mihi DEUS Gratiā e. c. ad Penitentiam, (idem censendum de tota gratiarum, ad finalem usque perseverantiam, ac consequenter ad Vitam obtinendam beatā, serie) Et quidem talem cui me praevidit infallibiliter cooperaturum; vel non dabit Gratiā, aut non talem? Si daturus: Ergo, cum haec non sit in potestate mea, expectandum donec dederit, & interim hoc Mundo utendum. Si non daturus; frustra sunt omnia: quidquid egero, non proderit ad Salutem.

2 Siste gradum! quò te praecipitas Infelix homo! Expende toto Animi tui conatu, quae dixero: ex hoc te, DEO auxiliante, confusio- nis Labyrintho, in viam rectam; ex desperatio- nis barathro in sublime; è tenebris ad lucem, educam hodiè: Tu sequere praeeuntem, &c.

## A D V E R T E P R I M O.

3. DEUM nostrum Misericordissimum, qui totus bonus, totus suavissimus, totus amor est, nec ullius interitum desiderat, cunctis hominibus largiri Gratiā sufficientes, quibus adjuti, Man- data ejus servare, & Vitā consequi valeant sempiternam. (Putā, saltē pro priori natura- les & Generales, quibus si bene utantur, tunc & supernaturales ac speciales) Cum enim non fictè, non illusoriè, sed seriò quantum de se, om-  
nium



minium Salutem desideret, juxta illud: *Vult omnes salvos fieri, & ad agnitionem veritatis venire.* 1. Tim: 2. v. 4. *Et Non vult aliquos perire, sed omnes ad penitentiam converti.* 2. Petri 3. v. 9. Cum Christus mortuus sit pro omnibus, adeoque omnibus Gratiam promeruerit, quâ instructi, ea possimus credere & operari, quæ oportet, juxta illud. *Pro omnibus mortuus est Christus.* 2. Cor 5. v. 15. Et: *Qui dedit semetipsum Redemptionem pro omnibus.* 1. Tim: 2. v. 6. Igitur & omnibus largitur sufficientiam ex parte sui, modò homines juxta Libertatis suæ arbitrium cooperari non renuant.

4. Et quidem conferre solet DEUS Gratias verè sufficientes, ita ut quoties homines non operantur benè, nullum illis necessario requisitum desit ex parte DEI, nisi sola libera eorū cooperatio: adeoque verificetur illud: *Perditio tua Israel. tantummodo in me auxilium.* Osee 13. v. 9. Quod ipsum ex innumeris Scripturæ locis constat manifestè. Exem: cau: *Jerusalem, Jerusalem, quoties volui congregare Filios tuos, quemadmodum gallina congregat pullos suos sub alas, & noluisti?* Mat: 23. v. 37. En! Salvator ipse protestatur, nihil auxilii impænitentibus defuisse peccatoribus, liberam tantummodo eorum volitionem. Et: *Misit vocare invitatos, & volebant venire.* Mat: 22. v. 3. Et: *Ecce sto ad ostium & pulso, si quis audierit vocem meam, & aperuerit januam, intrabo ad illum.* Apoc: 3. v. 20: *Vocavi, & renuisti, extendi manum meam, & non erat qui afficeret.* Prov: 1. v. 24. Et: *Quid ultra facere debui Vineæ mee, & non feci? ex-*  

A 2

pectavi,

*pectavi, ut faceret uvas, fecit autem labruscas. Isa. 5. v. 4.* Quis non videt, quoties homines non faciunt, quæ facienda sunt, ut salvi fiant, veram ex parte DEI nequaquam deesse sufficientiam, sed propriam duntaxat voluntatem.

5. Etiam tunc, cum Deus illustrationes & Gratias extraordinarias, ex abyssu Judicorum suorum, nonnullis confert peccatoribus, non eos necessitat, sed relinquit *in manu consilii sui, Eccles. 15. v. 14.* ut. quod voluerint, faciant, requirens liberam eorum cooperationem. Gratia Dei habet se instar lucis illius, quæ circumfulsit Saulum in via: attamen liberè cooperari debebat, ut proinde quæreret: *Domine, quid me vis facere?* Act. 9. Hinc exclamat alibi: *Non ego, sed Gratia Dei mecum.* 1. Cor. 15. v. 10. Id est, non ego solus, nec Gratia sola, sed mecum Gratia Dei operatur. Gratia Divina est velut stella illa, quæ tres ab Oriente Reges ad salvatorem Mundi perduxerat. Verùm & ipsi cooperari, iterque arduum suscipere debebant: profecto si stellam secuti non fuissent, ad Christum nequaquam pervenissent. Gratia Dei clavis est ad cæli portas referandas: sed ut aperias, dexteram tuam applica. Gratia Dei est nova scala Jacob: ast, ut ascendas, manus, pedesque admove. Duabus alis in Cælum evolamus; duabus rotis provehimur in Patriam: una & principalis, est Dei Gratia; altera, humana cooperatio.

6. Elucidatur id vel in ipsis miraculosis Dei effectibus. Ego te (inquit Dominus ad Petrum) in solatium Ecclesiæ, è carcere & compedibus, per Angelum



Angelum meum liberabo: sed & tu fac quod potes: calcea te, & Angelum sequere, Ego Lazarum Fratrem vestrum mortuum resuscitabo ad vitam, inquit Dominus ad Martham & Magdalenam, sed & vos vestra agite: curate, ut saxum revolvatur à monumento. Ego te, tuosque communi Diluvio eripiam, inquit Dominus ad Noe: verum & tu fac facienda, Arcam manibus propriis construe. Ego vos sanitati restituiam, inquit Dominus ad agros illos prope piscinam Hierosolymis decumbentes: sed & vos agite, quantum potestis, curet unusquisque, ut post commotionem aquæ ab Angelo factam, primus descendat in piscinam, Ego Civitatem Jericho in manus vestras tradam, inquit Dominus ad Ducem Exercituum Josue, sed & vos operemini, quæ præcipio: septies clangentibus Tubis circuite Civitatem, & corruent muri Jericho, Ego te à lepra mundabo, inquit Dominus per Prophetam Elisæum ad Naam: verum & tu fac quantum in te est, lavare septies in Jordane &c: &c: En! si Deus etiam miraculosas hominibus exhibendo Gratias, liberam eorum exigis cooperationem; multò magis dum ordinarias.

7. Ast (respondet hic quispiam) nescio, num oblata Pœnitentiæ occasione, talem habiturus sim Gratiam, & in talibus circumstantiis, quam & in quibus Deus prævidet habituram consensum meum; an verò duntaxat talem, cui me non cooperaturum, ab æterno prævidit infallibiliter. Respondeo: id facili negotio scire poteris, cooperare tantummodo, ago pœnitentiam

absque mora: (quod manifestè in tua est Potestate: experire, si vis, percutere pectus, vade ad Ecclesiā, confitere peccata &c.) & palpabiliter animadvertes, Gratiā tibi concessā esse talem, & in talibus circumstantiis, quam & in quibus Deus ab æterno prævidit habiturā consensum. Si enim cooperaris secundū libertatē tuā, ut potes, Deus & actu videt, & prævidet cooperationem tuā; si, erò non cooperaris, nec Deus prævidet eam. Non enim ideo aliquid est aut erit, quia Deus videt aut prævidet; sed potius quia est aut erit, ideo videt & prævidet. Sed de hoc postea amplius.

8. Hīs itaque ritè expensis (ut non ambigo) & perceptis, desperabundum illud Dilemā tuū, sic diluitur. Quoniam Deus omnibus (adeoque & tibi ad Pœnitentiam) gratias largitur sufficientes ad faciendā ea quæ ad salutem sunt necessaria, solumque præterea liberā à nobis cooperationem exigit; hinc nemo de Deo conqueri; aut in Dilemma illud: vel habeo gratiam, & quidem talem cui prævisus sum consensurus; vel non? sese resolvere poterit. Quòd enim hic vel ille non faciat faciendā, adeoque non habeat talem gratiam cui prævisus esset cooperaturus, & consequenter salutem non assequatur æternā, per ipsum stat hominem, Divinæ siquidem Gratiæ non cooperatur. Nec ullus prudens anxius & in dubio hærerē potest, num videlicet habiturus sit gratiam talem, cui se cooperaturus Deus prævidit; cū hanc ipsā habere possit si operetur, quod in ejus est Libertate: quam nulla sive visio si-ve prævisio alterius necessitat.



9. Obtrudunt adhuc aliqui. Verum quidem est, quod per hominem stet sua perditio. quatenus Divinis non cooperatur gratiis. Nec ideo injuriam Deus facit cuiquam, quod non talem sibi largiatur, quali eundem prævidet cooperaturum; alteri verò concedat. Siquidem homo etiam cum hac, cui non est consensurus, bene operari posset si vellet: quod autem nolit, sibi est imputandum. Quia tamen Deus ~~ne~~ <sup>pro</sup> potestate omniscius, eosdem peccatores, quos prævidet, his auxiliis aut in talibus circumstantiis datis consensuros, prævidet quoque, aliis, aut in aliis circumstantiis dissensuros, vel e converso; & nihilominus istis lagitur Dona sua (& quidem supernaturalia, ut valeant operari prout oportet ad salutem) in iis circumstantiis, in quibus consentient; aliis in iis tantum in quibus non consentient. Hinc querelarum præbetur occasio.

10. Respexit Christus Petrum, & ita congruè vocavit ad veram pœnitentiam, quomodo præsciebat, ne vocantem respiceret: ast Judam non sic respexit. Quibusdam confert Deus gratias, extraordinarie favores, intensas, & specialiter illustrantes intellectum, ac inclinantes voluntatem, quinimo ab intrinseco infallibiliter moraliter inferentes cooperationem: ut patet in repentina tot obstinatissimorum peccatorum conversione: e. c. in admirabili illa resipiscentia Latronis in cruce, Magdalene, Pauli, Matthæi, Zachæi &c. Aliis non itidem. Alios rapit à vita, ne malitia mutet intellectum; alios permittit vivere, donec malitia pervertat intellectum. Alii

ex permissione Dei, repentino casu obruti, mori-  
untur in peccatis suis; aliis ex ejusmodi Viræ  
periculis vel miraculosè ereptis, tempus conce-  
ditur Pœnitentiæ &c.

11. Et licèt hinc minimè sequatur, Deum in-  
justum esse, (ut diximus) cùm quilibet cuivis  
Gratiæ sufficienti & possit & debeat cooperari;  
sequi tamen videtur *Primo*, Deum respicere Per-  
sonas & imperium quoddam exoticum ac crude-  
le in homines fragiles exercere; cùm merè pro  
libito, ita ut stet pro ratione voluntas, hos sic  
adaptes, ut ad salutem perveniant, illos negligat  
ut pereant in æternum: tametsi in utraque clas-  
se etiam æquales reperiantur peccatores.

12. *Secundò* videtur sequi, totum Virtutis stu-  
dium, & curam salutis extingvi in hominibus,  
eosque in omnem vivendi licentiam ac despe-  
rabundæ resolutionis barathrum dissolvi debere.  
Sic e c. discurrendo: Vel Deus statuit, tales gra-  
tias supernaturales, & in iis circumstantiis mihi  
dandas ad veram Pœnitentiam, quibus infallibi-  
liter consensurus sum; item hujusmodi Auxilio-  
rum seriem, cum qua sim ad finalem perseveran-  
tiam, ac tandem ad salutem, infallibiliter per-  
venturus; nec permittere, ut in statu peccati,  
priusquam commodam Conversionis occasio-  
nem nactus fuero, repentina morte obruar &c:  
&c: Vel statuit, eas duntaxat conferre, cum  
quibus infallibiliter futurum est oppositum: &  
quidem statuit hæc, non attendendo ad id, quid-  
quid interim boni viribûs naturæ egero, aut non?  
Si primum: igitur non me agant peccata, quo-  
modocun-



modocunque multiplicentur: agam siquidem  
pœnitentiam veram, perseverabo finaliter, &  
proculdubio salvabor. Si secundum: Ergo.  
quidquid egero, in cassum sunt omnia: Non agā  
pœnitentiam prout oportet, non perseverabo  
finaliter in gratia, moriar in peccatis meis, vitam  
non consequar sempiternam.

13. Etiam ex hoc te ultimato, Divinā adspi-  
rante Gratia, eruam Labyrintho, & cunctis pror-  
sus solutis perplexitatibus, è Diaboli laqueis vin-  
dicabo. Serio proinde, quæ sequentur per-  
pende, &c.

## A D V E R T E S E C U N D O.

14. Ad illud Theologorum Axioma, quod  
pro dogmate habendum: *Facienti quod in se est,*  
*DEUS non denegat Gratiam:* ejusque rectam ex-  
positionem sequere. Porro hominem siue in-  
fidelem ante Fidem, siue Fidelem sed peccato-  
rem ante pœnitentiam, facere quod in se est,  
est facere ea bona opera, quæ potest viribus na-  
turæ (In homine verò justo, ly *in se* pro su-  
pernaturalibus quoque operibus sumitur) Quam-  
vis autem etiam Naturæ vires, præsentim bo-  
na indoles, bona capacitas, bona educatio, bo-  
næ cogitationes, & occasio ad eas &c: Dona DEI  
sint & Gratiæ quædam dici possint; non tamen  
tales, de quibus Res est in præsentia: sed natura-  
les & generales, seu gratiæ Creationis, quales  
DEUS promiscuè concedit hominibus, relictā  
ordinariè in cursu suo Naturā, & accommodan-  
do se exigentiis causarum creaturarum. Ast in  
præsentia agitur de Gratiis Christi, seu Donis sit.

A S *parnatu-*

pernaturalibus, maximè intrinsicè talibus, quibus homo prævenitur & adjuvatur à Deo, ut operari velet non solum honestè, sed & prout oportet ad salutem consequendam.

15. Nec dubitandum est, hominem, sive Infidelem sive peccatorem solis naturæ viribus posse multa bona operari naturalia: imò plurima ejusmodi opera dari apud quosdam sive Ethnicos sive peccatores Fideles. Cum erroneum sit dicere, Naturam humanam adeo corruptam esse, ut sine gratia DEI supernaturali nonnisi ad peccandum valeat. Hinc meritò damnàvit Ecclesia tum illam Propositionem Baji 27. *Liberum arbitrium sine Gratia DEI adjutorio, nonnisi ad peccandum valet*: tum illam Quænellii 38. *Peccator non est liber nisi ad malum, sine Gratia Liberatoris*. Sicut & 1. ejusdem: *Anima, quæ DEI Gratiam amisit, manet generalis impotentia ad laborem, ad orationem, & ad omne opus bonum*.

16. Patet idipsum ex Sacris Literis, & communi Doctorem sensu. S. enim Paulus Rom: 2. v. 14. ait: *Cum Gentes quæ Legem non habent, naturaliter ea quæ Legis sunt, faciunt, ejusmodi Legem non habentes, ipsi sunt sibi Lex, qui ostendunt opus Legis scriptum in cordibus suis*. Et Josue c. 2. Opus bonum laude & præmio temporali dignum operata est Ethnica illa mulier Rahab, quod missos à Josue Exploratores servaverit. Et Exodi 1. Obstetrices Ægypticæ, tametsi DEUM verum non colerent, ut oportet, opus nihilominus bonum & præmiò dignum, parcendo Judæorum infantibus, posuerant: ait enim Scriptura: Be-



ne ergo DEUS fecit Obstetricibus, & edificavit eis Domos. Quod certè de operibus earum naturalibus intelligendum: nam supernaturalia non præcisè domiciliis terrenis præmiata fuissent. Hinc de Nabuchodonosore S. Hieronymus in Ezechi. 29. v. 18. scribens, testatur: *Ex eo, quòd Nabuchodonosor mercedem accepit boni operis (adsticite enim Israelitis adversus Tyrum) intelligimus, etiam Ethnicos, si quid boni fecerint, non absque mercede DEI judicio præteriri.* Idem in cap: 1. ad Gal: sic disserit: *Multi absque Fide & Evangelio Christi vel sapienter faciunt aliqua vel sanctè, ut Parentibus obsequantur, ut inopi manum porrigant, non opprimant viuos, non aliena dissipant &c.* Quæ communiter à Doctoribus de operibus bonis naturalibus intelliguntur.

17. Unde D. Thomas 1. 2. 9. 109 a. 2. *Natura humana per peccatum non est totaliter corrupta, ut scilicet toto bono Naturæ privetur. Potest quidem etiam in statu naturæ corruptæ, per virtutem suæ Naturæ aliquod bonum particulare agere.* Et Magister Sententiarum in 2. dist, 26. cap: penultimo, citans S. Augustinum, ait: *Ante Gratiam prævenientem & operantem, quædam ex solo libero arbitrio procedunt: quibus tamen homo non meretur vitam nec gratiam, qua justificatur.* Et paulo post: *Non negamus autem, multa ante hanc gratiam ab homine fieri bona per liberum arbitrium, ut tradit D. Augustinus.*

18. Ex dictis itaque manifestè liquet, etiam apud Infideles & peccatores haud pauca reperiri Opera bona: ad quæ tamen elicienda non dantur gratiæ intrinsecè supernaturales. Alias enim

enim opera hæc non essent naturalia, ut Scriptura & Patres testantur, sed supernaturalia. Censendum proinde est, auxilia ejusmodi concedi Infidelibus, tantum in ordine ad Fidem veram concipiendam, & ad desideria prævia ac efficacia veræ Fidei; aut etiam interdum, urgenti necessitate salutis, dum exterior Fidei prædicatio haberi nequit, ad contritionem perfectam, quæ Fides in voto nuncupatur: Peccatoribus verò qui rectè credunt, in ordine ad veram Pænitentiam. Utquid enim his ad alia opera bona, e. c. ad Eleemosinas, orationes &c. darentur gratiæ & Inspirationes intrinsecè supernaturales, cum certum sit, Infidelem aut Peccatorem, actionibus istiusmodi, nullum donum supernaturale mereri, & multò minùs justificari posse? Et ideo Tridentinum Concilium Sess. 6. c. 4. docet: *Translationem peccatoris ad Gratiam, post Evangelium promulgatum fieri non posse sine Lavacro Regenerationis aut ejus Voto.*

19. Hoc clarè docet Doctor. Angelicus 2. 2. q. 10. a. 4. *Manifestum est, inquit, quod Infideles non possunt operari bona opera quæ sunt ex Gratia, scilicet Opera meritoria: tamen bona opera, ad quæ sufficit bonum naturæ, aliququaliter operari possunt, unde non oportet, quod in omni suo opere peccent. Ejus vestigiis insistit celeberrimus ille Theologus Molina, Soc. JESU Deip: 14. Et Lessius Disput: Apologetica de Gratia, c. 10. Et si Infidelis conaretur circa dolorem peccatorum, non ideo DEUS daret illi auxilium; quo posset dolere sicut oportet ad Justificationem, antequam habeat Fidem: sed primum inspirabit ei*

rabit ei opportuna ad Fidem, ut querat Medicum, per quem possit liberari & Salvari. Proportionatè loquitur de peccatore Fideli, quod auxilia supernaturalia, ante omnia conferantur ei ad pœnitentiam. Et ideo D. Thomas inferius citandus, etiam Cornelii, illius timorati Gentilis orationes & eleemosinas, ad opera refert naturalia. Certè, si DEUS ad hujusmodi actiones aliquas tantum, & quidem nonnullis duntaxat Infidelibus aut peccatoribus gratias conferret supernaturales, eadem desperatio, eadem absurda mox enumeranda sequerentur.

20. Verbò, possunt & volunt complura dari, opera bona naturalia in Peccatoribus, imò & Infidelibus absque Inspiratione & Gratia supernaturali: Verum hæc nequaquam fiunt sicut oportet ad salutem, nec sunt Merita etiam de congruo Donorum supernaturalium, nec Dispositiones positivæ ad gratiam justificantem & Vitam æternam. Verùm præcisè se habent, ut quædam occasio credendi vel pœnitendi, ut quædam subordinatio Gratiæ Divinæ, quædam non repugnantia & Remotio impedimenti. Si quidem enim Deus ob Christi Merita paratissimus est, in omnes suam misericordiam effundere, maximè illum decet, ut hoc in eos faciat, qui impedimenta non obijciunt, & viribus naturæ rectè uti satagunt.

21. Axiomatis itaque præfati (ut quæ universaliter dicta sunt, exemplificentur) Sensus est iste. *Primus*: Qui Fide Christiana Catholica nondum insignitus est, faciat quantum in se est. & viribus



viribûs naturæ potest: sedulo inquirat Fidei veritatem; oret instantèr, ut occasionem sibi Deus & lumen ad veram perveniendi Religionem suggerat; audiat nostras prædicationes editiones polemicas diligenter relegat, si potest; ubi Intellectum convictum animadvertit, Fide primum humana credat; juxta dictamen rectæ rationis vivat; fugiat peccata; in operibus bonis se exerceat &c. Et hæc omnia, quantum potest, viribûs naturæ. Deus autem misericordissimus, dabit illi Gratiâ etiam supernaturalem ac efficacem veræ Fidei, ejusque Professionis, & consequentia ad eam.

22. *Secundò*, Si jam Fidelis, verusque Catholicus es, sed peccator, fac & tu quod in te est: ora frequenter, obsecra Deum assiduè, ut gratiam tempus, & occasionem veræ ac prout oportet, pœnitentiæ, quantocyùs suppeditet; implora etiam sanctorum, præsertim Beatissimæ Virginis Dei Genitricis patrocinium; detestare peccata præterita; sèrva reliqua mandata, nec nova superadde delicta &c. Quantum viribûs naturæ, seu cum generalibus Dei Donis vales. Et Deus elargietur tibi Gratiâ supernam ad rectè pœnitendum, etiam congruam, & in talibus circumstantiis, in quibus prævidit te cooperaturum. Non quasi peccator Oratione sua, aut naturali Præceptorû observatione, mereri possit Gratiâ Justificationis, aut Donum aliquod supernaturale; (quanquam Augustinus docet, Orationem, præsupposita Fide, esse meritum de congruo gratiæ) sed hoc sensu: nimirum, quòd opera ejusmodi

modi præcisè se habeat per modum subordinationis, occasionis, & remotionis impedimenti resistentis aut etiam meræ deprecationis ac implorationis. Notandum autem hîc est, illa, quæ agenda, ut homo dicatur facere quod in se est, exempli gratiâ recensemus, in præsentî, non debere sumi mathematicè, quantum, quomodo, quamdiu &c: Id enim scientiæ & determinationi Divinæ relinquendum: nobis incumbit operari quod humanò modò possumus:

23. *Tertiò*, Si egeris, quod in te est, videlicet præter dicta, etiam speciale aliquid in Dei Honorem, aut commune bonum spirituale, aut ex amore salutis Animarum: e.c. Si zelum S. Fidei strenuè promoveas; si multum affectus sis beatissimæ Dei Genitrici Mariæ, ejusque Cultum ac Invocationem amplifies &c:&c: donabit quoque Deus, dum opus fuerit, gratiam specialem, aut cum excessu svavitatis, siue ad resurgendum alacriter ex habitu pravo, siue ad superanda æternæ damnationis pericula, siue denique ad cætera, quæ salutis sunt, perficienda.

24. *Quartò*, Tandem, si præsupposita Fide Catholica & Pœnitentiâ, permanseris in spe & Oratione; in Dei amore, detestatione peccatorum, atque virtutum studio; (interruptio autem si quando fiat, ex fragilitate magis quam malitia contingat) in Zelo Fidei & Cultu B. Virginis &c: auxilium congruum perseverantiæ finalis in gratia Dei, & vitam æternam obtinebis.

*Axioma hoc: Facienti quod in se est, Deus non denegat. Gratiam; ejusq; allatâ expositionem subsistere,*

25. *Demon-*

25. *Demonstratur 1.* Manifestò scripturæ exemplò Act. 10, de Cornelio Centurione, ad quem missus est Angelus a Deo, dicens v. 4. *Orationes tuæ & eleemosynæ tuæ ascenderunt in memoriam in conspectu Dei: & nunc mitte viros in Joppen, & accersi Simonem quendam, qui cognominantur Petrus hic dicet tibi, quid te oporteat facere.* Cornelius erat adhuc Gentilis, carens Fide in Christum, sine qua, Evangelio protunc jam divulgato, Justificationis Gratiâ adipisci non poterat, præsertim, cum nec defuerit modus, per externam prædicationem in notitiam ejus deveniendi. Ac proinde dictæ actiones bonæ, orationes & eleemosynæ esse debebant opera naturalia: ut docet D. Thomas mox citandus, constatque ex dictis à num: 16. Infero. Ergo orationes & eleemosynæ intrinsecè naturales, & similia, ascendere possunt *in memoriam & conspectum Dei*, (ut disertè testatur scriptura) per ordinem ad conferendam gratiam Fidei aut pœnitentiæ. Non quasi talia Deum moveant, aut impetrent ab eo per modum meriti gratiam supernaturalem; sed quòd se habeant instar remotionis impedimenti, subordinationis, humilisq; supplicationis: qua præsupposita, Deus ex misericordia ac liberalitate sua infinita, largitur homini ad salutem necessaria.

26. *Demonstratur 2.* Innumeris in locis hortatur scriptura omnes etiam peccatores, ut orent & Dei implorent auxilium, mandata ejus custodiant, nec peccata multiplicent: (*Non adjicias peccatum super peccatum. Eccles. 5. v. 4.*) ne aliàs se misericordiâ, indignos, efficiant. Ergo censet, opera



opera ejusmodi, quæ in peccatore sunt naturalia, posse se habere per modum implorationis, occasionis, ac non repugnantia respectu Gratiarum Divinarum. Ex eodem sacro Codice patet (ut videre est num. 3.) Deum sincerè velle quantum de se, omnes homines, modò faciant facienda, salvare. At si merè pro placito, non attendendo ad ea, quæ homines viribûs naturæ rectè operantur, his, qui fecerunt quod in se est, talia ex industria seligeret auxilia superna, quibus prævidet non consensuros; aliis verò, qui nec hoc fecerunt, auxilia habitura consensum, tunc profecto dici non posset, sincerè omnes velle salvos facere. Nec illud Ita. 5. *Quid ultra facere debui vineæ meæ, & non feci?* verificaretur sufficienter. Respondere enim posset quispiam: fecisses Domine amplius, si te communem Patrem exhibuisses: En! aliis deditis gratias supernaturales & quidem in iis circumstantiis, in quibus prævisi sunt cooperaturi, tamen non fecerint, quantum ex se poterant; mihi verò facienti quod in me erat, ejusmodi auxilia denegasti. Tandem nemo dubitat, Axioma hoc: *Deus neminem deserit, nisi prius deseratur ab eo*, sacris Literis infundari. Sed quem quæto sensum habet? certè non ideo præcisè Deus peccatorem deserit, negando eidem gratias efficaces, quòd in peccatum aliquod labatur: aliàs enim nullus peccator resurgeret efficaciter; constat autem haud paucos, maximos licet peccatores resipuisse. Ergo hunc solum deserit, privando auxiliis congruis, qui non facit quod in se est. Quomodo

Apostolus dixisset, Rom: i. v. 19. Gentiles esse inexcusabiles, quod Deum ex rebus conditis agnoscunt, non sicut Deum glorificaverint, si cognitiones huiusmodi naturales, & quidquid naturæ viribus sit, prorsus impertinenter se habet ad veram Dei glorificationem?

27. *Demonstratur* 3. Deum, juxta præfatam expositionem non negare gratiam facienti quod in se est, communis Ecclesiæ sensus comprobatur. Sicut enim ipsa orat pro peccatoribus, ita & eosdem ad orandum stimulat, ut sibi Deus gratias primas, gratiam veræ Poenitentiae (idem continendum de dono finalis perseverantiae, aliisque) certè efficacem, sufficiens enim absque hoc omnibus conceditur, misericorditer largiatur. Monet præterea peccatores etiam quamdiu manent in peccato, ut reliqua servant Mandata, non accumularent delicta, ne fortè indigni reddantur Gratiâ. Ergo supponit, prædictas gratias facienti quod in se est concedendas.

28. *Demonstratur* 4. Hæc est universi Populi Christiani à teneris concepta & instillata, proculdubio à Deo, persuasio. Nam si vel rudissimus interrogetur: Quid facies, quo casu non dederit tibi Deus gratiam supernaturalem aut congruam, aut specialem ad superandas in via salutis difficultates, eaque omnia agenda, quæ ad Vitam æternam sunt necessaria? Respondebit: ego assidue orabo Deum, ego faciam quantum possum; & tam bonus, tam misericors Dominus non deerit mihi. Axioma igitur hoc, Dogma est.

29. *Demonstratur* 5. Deus noster benignissimus

com-

communis est omnium Pater, nec respicit Personas, nec despoticum sed iuave in nos exercet Imperium: ut docet scriptura. At si nullam occasionem aut occasionem à creaturis datam spectaret, & huic, quamvis facienti quod in se est, negaret, auxilium supernaturale aut efficax, illi verò tametsi nequidem fuisset, quod viribus nature poterat, concederet in ordine ad Pœnitentiam aut perseverantiam finalem: tunc non exhiberet se communem Patrem; respiceret non occasionem ab hominibus datam, sed Personas; exerceret imperium exoticum, quale nequidem in terrenis Principibus approbamus, videlicet in hoc consistens: Sic volo, sic jubeo, stat pro ratione voluntas. Porro id Deo nostro appingi nequit sine blasphemia, Ergo &c.

30. *Demonstratur 6.* Præsentis Dei circa nos Providentia iuavis est, qua omnes ad virtutis studium & seriam salutis curam vult excitare, à licentiosa vita & desperabundis consiliis arcere, nec ullam contra se querendi rationem suggere. Ast si memoratum axioma ejusque explicatio non subsisteret, seu si Deus pro libito, nec occasione ex hominibus habitâ, uni vellet, alteri nollet gratiam largiri efficacem, nemo ad virtutis & salutis studium excitaretur: quin imò in licentiosissimam desperationis resolutionem præcipitarentur universi. Sic enim quis differere posset: Vel daturus mihi est Deus auxilium supernaturale, & quidem efficax (quomodocunque efficacia hæc explicetur) sive ad pœnitentiam veram, sive ad finalem perseverantiam; vel non daturus



rus? vel concessurus tempus pœnitendi, vel non?  
&c:&c: Si daturus, agam igitur interea quid-  
quid libet: Nam si Deus gratias huiusmodi do-  
nat pro placito, non respiciendo, siue egerit ho-  
mo quod in se est, siue non, nihil mihi oberit aut  
proderit, quidquid egero. Si verò non daturus,  
Ergo multò minùs valebit, quidquid boni viri-  
bus meis operatus fuero.

31. Credibile nẽ est, Christum salvatorem  
nostrum, qui ideo in hunc mundum venit, ut  
nos per veram Fidem & bonorũ Operũ exer-  
citiũ ad salutem perduceret, homines in bi-  
vio tam pernicioso, in hoc licentiæ ac despera-  
tionis Labyrintho constituere atque relinquere  
voluisse? Verbò: propositæ veritati sub fucata  
promovendæ gratiæ specie refragari pervicaci-  
ter, est peccatoribus rationes querendi contra  
Deum (ut videre est num. 26.) suggerere; fræna  
peccatis laxare; Religionis, virtutis, & boni o-  
mnis studium, totamque salutis curam subver-  
tere. Sed hæc inconvenientia non admittimus,  
reponunt Adversarii. Bene est: igitur nec An-  
tecedens, oppositam videlicet doctrinam, unde  
sequuntur talia, admitte. In iure enim tam civi-  
li quàm Ecclesiastico l. *Quàmvis*, habetur: *Antece-  
dens trahit ad se consequens.*

32. *Demonstratur* 7. Eiusdem nobiscum sensus  
est Augustinũs, qui l. i. ad Simplicianum, q. i. sic  
loquitur: *Eorum non miseretur Deus, quibus gratiam  
non esse præbendam, equitate occultissima & ab humanis  
sensibus remotissima, iudicat; quam non aperit, sed ad-  
miratur Apostolus dicens: O altitudo divitiarum!* Et in

Enchir.

Enchir. c. 94. affirmat, manifestas nobis fore in die iudicii rationes ejusmodi, cur ille potius quàm iste fuerit assumptus: & cur apud quosdam non factæ sint virtutes, quæ si factæ fuissent, egissent homines illi pœnitentiam. Verbò, Augustinus docet, justissimas Deum habere rationes ob quas huic dederit aut daturus sit gratias efficaces in ordine ad consequendam salutem; alteri non: & quidem tenentes se ex parte hominum, quòd videlicet & quomodo, hic fecerit quantùm ex se erat, ille non. Et quoniam id ipsū nos latet, absconditumque est coram oculis nostris, cor hominis: ita, ut persæpè illum, quē Deus amat, hostem ejus, vel è converso, arbitremur; hinc præfatæ rationes Divinæ, Abyssus iudiciorum Divinorū communiter nuncupantur.

33. Nequaquam tamen censendum est, rationes Dei, ob quas huic potius confert gratiam efficacem aut specialem, quàm alteri, consistere in mero placito Divino: quomodo enim dicerentur abyssus, cùm nihil sit minùs imperceptibile, quàm dicere, huic volo, huic nolo? Aut tenere se præcisè ex parte Dei, sine ulla occasione ex creaturis habita: Nam rationes ejusmodi pariter in solum placitum, nimirum, quòd Deus in hoc homine demonstrare velit justitiam suam, in altero verò misericordiam resolvuntur, nosque præterea in dictis superiùs desperationis angustis, in abiectione animi, & excussione omnis curæ salutis relinquunt. Quàmvis enim rationes, quòd huic potius beneficiat, quàm alteri, infinitas haberet Deus, si tamen hæ nullatenus opera

nostra respicerent quis virtutes sectari, & vitam æternam sollicitè exquirere vellet?

34. *Demonstratur* 8. *Authoritate* Doctoris Angelici, qui q. 14. de veritate a. 11. ad 1. ait: *Si quis nutritus in sylvis, ductum naturalis rationis sequeretur in appetitu boni. & fuga mali: certissimè tenendum est, quòd ei Deus vel per internam inspirationem revelaret ea quæ sunt credenda, vel aliquem Fidei Prædicationem ad eum dirigeret, sicut misit Petrum ad Cornelium.* Nec unquam postea D. Thomas contrarium docuit. Porro Doctrina hæc nihil aliud vult, nisi certissimè tenendum esse, quòd Deus facienti quod in se est, seu quantum viribùs naturæ potest, non derogat gratiam supernaturalem, etiam efficacem, imò specialem.

35. *Demonstratur* 9. *communi Theologorum Scholasticorum sensu.* Leonardus Lessius Soc. JESU, unus de præcipua Facultatis Theologicæ Classe, in sua Disputatione Apologetica de gratia c. 10. jam ante 160. annos edita, amplissimè probat, sententiam hanc ab omnibus Scholasticis, paucis exceptis, à 500. & amplius annis manifestè doceri. Exem. causâ. Gvilielmus Altisiodorensis l. 3. summæ Tract. 2. q. 5. sic loquitur: *Qui facit quicquid in se est, semper dat gratiam.* Alexander Halensis p. 3. q. 69. m. 5. a. 3. *Concedendum igitur, quòd, si homo faciat quod in se est, Deus dat ei gratiam immutabiliter.* Et subjungit: *Videndum est, quid sit facere quod in se est?* Notandum, quòd in homine per naturam est recta ratio: & hæc rectitudo boni est notio indita à creatione, qua quælibet Anima potest cognoscere suum principium scilicet Deum &c. Si  
ergo



ergo secundum istam notionem operetur homo sub arbitrio, recurrendo ad illum, quem scit suum esse principium, & quem scit esse ordinatum sibi, & petat ab illo lumen cognitionis Fidei & boni, dabitur ei. Eodem modo Sotus in 4. d. 1. q. 2. a. 3. Servanti jus naturæ. Deus singulari auxilio affulsisset. Et Ruardus a. 7. pag. 348. Quod Deus ac est etiam facienti quod in se est ex puris naturalibus, ad illustrationem & instinctus Divinos, ad quos donandos, ex immensa erga peccatores, charitate invitatur, non autem ex ullo merito vel dignitate, pie creditur. Similiter Andreas Vega l. 13. In Conc. Trident. c. 12. sicut & Driedo de Concordia liberi arbitrii pag. 51. docet, id pie credi, nec in eo errari.

36. Idem disertè tradit celeberrimus ille Doctor, Molina in concordia q. 14. a. 13. Disp. 10. Quoties liberum arbitrium ex suis viribus naturalibus conatur, quantum potest circa res Fidei addiscendas & amplectendas; vel circa dolorem de peccatis ac justificationem, à Deo confertur gratia preveniens seu auxilium, quod id faciat, ut oportet ad salutem. Et addit Lessius Disp. Apolog. de Gratia c. 10. pag. 313. Liberum arbitrium secundum se posse conari etiam circa supernaturalia, licet actu imperfecto & insufficienti: posseque hominem viribus naturæ etiam ardentè appetere aliquod supernaturale, Richardus verò in 2. dist. 28. a. 1. q. 2. plus quàm nos viribus naturæ tribuit, inquit: Loquendo de remota dispositione, liberum arbitrium per sua naturalia cum sola generali motione primi moventis, (quam supponit quævis actio creaturæ) potest se ad gratiam facientem disponere. Quia hoc modo qui liberò arbitrio rectè utitur, quantum potest, disponit se ad Gratiam gratum facientem. En! opera bona

bona naturalia solum se habere respectu Gratiae supernaturalis per modum subordinationis eidem gratiae, remotionis impimenti, occasionis, implorationis, volumus. At Richardus etiam dispositionem remotam appellat.

37 *Demonstratur* 10 Præsentis axiomatis veritas vel ipsa comprobatur experientia in tot Prodigis ab Ecclesia approbatis. Scimus enim, tot sceleratissimos peccatores, eò quod singularem devotionem ad Beatissimam Dei Genitricem habuerint, vel aliud quid speciale, quantum viribus naturæ valebant, in vita sua egerint, ad intercessionem ejusdem Divæ Virginis, admirabili modo, auxilium efficax ad veram Pœnitentiam ac perseverantiam finalem, adeptos fuisse. Ergo &c.

38. Jam in Sinopsim, quæ dicta sunt, compingamus. Siquidem ergo certum & indubitatum est, Deum non merè pro libito, sed occasione ex hominibus habita, seu facienti quod in se est, præbere Gratias supernaturales etiam efficaces ac prævisas habituras consensum, imò & speciales, (juxta explicationem superius datam) sive ad Fidem & agnitionem veritatis, sive ad veram pœnitentiam aut perseverantiam finalem, & consequenter vitam æternam: Hinc minimè poteris licentiosè aut desperabundè percontari, vel daturus mihi Deus gratiam talem, vel non? Sed imploratò Divinò auxilio, in spe & fiducia, fac quæ potes: Veritatem Fidei Catholicæ; si nondum es affectus, inquire diligenter; si verò es, sed peccasti, detestare peccata, pœnitentiam age

age quantocyùs, exerce te in bonis operibus, ora instantèr, Beatissimæ quoque Virginis patrocinium sollicitè implora: reliqueum autem Deo committe, qui, cum summè bonus & misericors sit, nec velit mortem peccatoris, sed ut convertatur & vivat, dabit omnia ad salutem necessaria.

29. Minimè verò apprehendendum, quòd reperiantur Doctores alioqui graves, qui memoratum axioma cum expositione sua, visi sunt rejecisse. Hi enim explicari possunt; vel si nequeunt, dolendum, viros etiam doctos, in re tam evidenti deficere potuisse, èo, quòd ab uno errore, semipelagianorum videlicet, cui alter & quidem adhuc multò perniciosior, nimirum Calvinismus & Jansenismus, è diametro opponitur, nimis remotè deflectere voluerint.

#### OPPONUNT ADVERSARIJ.

40 *Primò*; Sine supèrna Dei Gratia, homo nec orare, nec auxilium Divinum implorare, nec veritatem aliquam Fidei cognoscere, nec Deum diligere, aut pœnitere, aut quidpiam boni agere potest: Ergo nec facere quod in se est. Consequenter idem manebit dubium, quarenam Deus huic det gratiam, ut faciat quod in se est, alteri verò non? Respondeo: mîscès quadrata rotundis, nec gratiæ vocabulò ritè uteris, & ideo dubitas. Distingvenda igitur prima est assertio. Sine supèrna seu supernaturali intrinsicè gratia nequit homo orare, cognoscere, diligere aut quidpiam boni agere *sicut oportet ad salutem*, concedo; absque hoc addito nego. Et ideo Concilium Tridentinum, non eos damnat, qui



asserunt, ejusmodi opera fieri posse naturaliter & imperfectè, insufficienter; sed eos qui volunt, supernaturaliter fieri posse, & sicut oportet, inquit Ses. 6. can. 3. *Si quis dixerit, sine præveniente Spiritûs S. Inspiratione, atque ejus adjutorio, hominem credere, sperare, diligere, aut penitere posse sicut oportet, ut ei Justificationis Gratia conferatur, anathema sit.* Ex quo additamento colligitur, hominem solis naturæ viribûs multa bona operari posse, sed non sicut oportet, nec merendo Gratiâ Justificationis supernaturalē; hanc enim Deus gratis ex misericordia sua largitur, non quidem merè pro libito, verum facienti quod in se est.

41. Et certè, si homines auditis hæresibûs, tametsi absurdissimîs, & exigua ad speciem probabilitate mixtis, possunt eas velle perpendere, examinare, ac credere: cur audita prædicatione Evangelica, cum summa probabilitate imò evidentia proposita, non possunt solis naturæ viribûs decernere apud se, illam expendere, & ubi id fecerint, etiam Fide quadam humana credere? si proposita per Alcoranum falsa beatitudine, homines possunt illam naturaliter optare & à Deo petere; cur veram beatitudinem sibi propositam, illamque habitationē cœlestem, viribûs naturæ, petere & desiderare nequeunt? Nisi dicas cum Janzenio, hæretico, naturam adeo corruptam esse, ut nonnisi ad malum valeat. Verbo, si potest quis naturæ viribûs appetere salutem æternam, & Dona supernaturalia, imò & conari circa veram Fidem consequendam, (ut docet Lessius de Gratia c. 10.) multò magis valebit

lebit alia bona opera elicere. Quod autem dicitur, etiam vires naturæ esse Dei gratias, adeoque hominem operari bene quantum in se est, seu naturaliter potest, esse operari ex Gratia, jam superius num. 14. declarando solvimus. Tales enim gratiæ naturales; & generales dantur promiscuè hominibus, servato cursu, ordine, ac exigentia causarum creaturarum. Et his suppositis, Res tota in præsentī est: de Gratiis Dei supernaturalibus, in ordine ad operari sicut oportet ad salutem.

42. *Secundò*: Recedendum est quàm longissimè à Pelagii ( qui tollebat gratias supernaturales ) & semipelagianorum, ( qui initium salutis volebant esse ex nobis ) erroribus. Ergo memoratum Axioma cum sua explicatione nequit subsistere. Respondeo; Nego consequentiam tanquam inanifestè nullam. Ne verò quis, volendo unum declinare errorem, incidat in alterum, sciendum est, in quonam præfati hæretici erraverint. Pelagius tollebat gratias internas supernaturales, docens, hominem solis naturæ viribus operari posse sicut oportet ad salutem. Massilienses autem semipelagiani dicti, asseriebant, liberum arbitrium, solis viribus suis in creatione acceptis posse quodvis opus bonum supernaturale inchoare, & per hoc mereri gratias ulteriores. Ponebantque, initium salutis ex nobis, gratiam verò esse pedissequam, hoc sensu, quòd possimus sine superno Gratiæ Dei auxilio mereri Donum Fidei, vel si illud jam possidemus, serium salutis concipere desiderium, quo gratiam Iustificacionis meritoriè impetremus. Porro id nequaquam  
adstrui-

adstruimus, sed tenemus; opera viribus naturæ elicitæ, solum se habere instar subordinationis Divino auxilio, occasionis, ac remotionis impedi-  
menti, respectu Gratiæ sive Fidei sive justificationis &c. Ergo totò Cœlò ab illis differimus.

43. Qui verò amplius à semipelagianis differre cupit, nimis libero arbitrio detrahendo, is sensim ad Jansenii aut Calvinii errorem millies perniciosiorem, ut pote omnis disciplinæ Christianæ adeoque & Fidei totius subversivū desleclit. Quis enim Fidē verā aut Pietatē coleret? imò, utquid Christus Magister & exemplar morum in hunc Mundum venisset, si Deus merè pro libito, non considerando quidquid homo egerit, huic daret, alteri negaret media ad salutē necessaria? Nonne bene Augustinus: *Vos estis morum ruina, qui ipsius Fidei, supra quam mores edificandi sunt, nitimini fundamenta subvertere?*

44. Tertiò: Deus, infantes post Baptismū, quo Christi Merita applicantur iisdē, decedentes, in Gloriā æternā recipit, tametsi nec fecerint, nec facere potuerint quantum in se est. Alios verò Baptismo destitutos excludit à Gloria, quamvis ad id nullam ex se occasionem dederint. Ergo & de adultis idē censerī posset. Respondeo, Nego consequentiā, & disparitatē exhibeo manifestā: nimirū quòd inconvenientia superius allegata, non sequantur ex hoc cum parvulis procedendi modo, quæ sequerentur in simili cum adultis. Et sic:

45. 1. Ex hoc, quòd parvuli ejusmodi absque propria culpa actuali, aut occasione à se data,



ta, gloriâ priventur æternâ, non sequitur Deum  
 esse justû aut crudelē: *Tum quia* non destinan-  
 tur ad inferni tormenta: è contrâ quotquot ad-  
 ulti in hac Providentia excluduntur à Gloria, or-  
 dinariè æternis quoque suppliciis addicuntur.  
 Porro memoratos infantes, cruciatibus perpe-  
 tuis sive in anima sive in corpore non esse admo-  
 vendos, docent, quotquot Deum crudelē aut in-  
 justû facere verentur. Qui verò Doctores op-  
 positû adstruere videntur, omnino censendi sunt  
 loqui (quibûscunque, demû terminis utentur)  
 de sola privatione Gloriæ cœlestis seu pœna da-  
 mni: vel si nonnulli sic explicari nequeunt, con-  
 cludendû, eos non satis piè de Deo nostro mi-  
 sericordissimo sensitisse. Quin imò haud pauci  
 existimant, parvulos ejusmodi etiam beatitudinē  
 quandam naturalē habituros: (qualē habuissent  
 cuncti homines secundum rectam ratiōem vi-  
 ventis, si Deus nos ad Finem supernaturalem  
 non elevasset.) Nec gravem valde dolorem ex  
 carentia Gloriæ cœlestis concepturos *Tum quia*  
 beatitudo æterna nulli est debita creaturæ, sed ex  
 mera Dei largientis Gratia conceditur. Igitur  
 præcisè negare eam quibusdam, non est injusti-  
 tiam aut crudelitatem exercere. Ac proinde e-  
 tiam si Deus gloriam hanc omnibus etiam piissi-  
 mē viventibus denegare statuisset, nemo justè  
 conqueri potuisset: cum Donum hoc cunctas  
 longè excedat creaturâs.

46. 2. Non sequitur prædictæ superiùs de-  
 sperationis, aut vitæ licentiosæ, aut abjectionis  
 animi circa studium virtutum & salutis curam, oc-  
 casio-

caſionem dari parvulis: cū hi ſicut uſus rationis ita & actionum liberarum nondum ſint capaces.

47. 3. Nec ſequitur, Deum non exhibere ſe cōmunē Patrē, aut reſpicere perſonas, aut exoticum exercere Imperium &c: Non enim voluntate beneplaciti, poſitivē ac directē ſtatuit, ut hi infantes excludantur à medio ſalutis, nimirum Baptiſmo, & conſequentur à Gloria; illi verò admittantur. Sed habet ſe negati- è tantum ac permiſſivē, accommodando ſe juxta Decretum ſuum generale & ordinarium, tum exigentiis cauſarum creatarum & curſui naturæ, tum libertati hominum, ſub quorum cura & poteſtate ſunt parvuli. Et ideo, quotieſcunque ſine Baptiſmo pereunt, id non Deo, ſed vel negligentię aut malitię hominū, vel aliis cauſis creatis adſcribendum.

## PRINCIPIUM SECUNDUM.

48 *Vel Deus ab æterno prævidit ſinealem Pœnitentiam meam futuram, vel non prævidit? Si prævidit! igitur hæc ſequi debet infallibiliter, ne aliàs falſificetur Scientia Dei: Si verò non prævidit, ergo nec futura: conſequenter in caſſum ſient omnia, quæcunque interim egero.*

49. Reſpondeo: perverſum Dilemma hoc in idem coincidit cum primo, ac proinde iisdē rationibus, quibus & illud, convellendum eſt. Si enim Pœnitentiam ſinealem liberē egeris, quæ in plena eſt Poteſtate tua, Deus prævidit eā ab æterno; Si verò agere nolueris, nec Deus prævidit. Dabit quoque gratiam ſupernaturalem, ut pœnitentiam agere valeas ſicut oportet ad ſalutē,

tē, imò & efficacē atque in talibus circumstan-  
tiis, in quibus prævius et cooperaturus, si tece-  
ris quod in te est, juxta dicta à num. 21. Ineptissi-  
ma autē est sequela hæc: *Si Deus prævīdit peniten-  
tiam meam, hæc sequi debet; si non prævīdit, nec se-  
quetur.* Sicut ineptiret qui diceret: ex visione  
actuali, qua me homines vident de præsenti con-  
fidentē peccata, sequi debet Confessio mea. Ne-  
gandū igitur suppositū, quod Præscientia Divi-  
na sit causa aut Condicio unde sequatur futura  
Pœnitentia tua, vel quod te ad eandem necessi-  
tat: & sic totum dissolvitur principiū.

50. Quod ipsum declaro adhuc luculentiùs.  
Non ideo actio tua ponenda est, quia Deus præ-  
vidit eam ab æterno: sicut nec ideo actu poni-  
tur à te, quia Deus eam actu videt poni de præ-  
senti; aut quia Angelus videt eam; aut quia tu  
ipse vides; sed potius è converso, ideo Deus præ-  
vidit, quia à te liberè ponenda est: sicut & ideo  
videt actu de præsenti hanc vel illam operatio-  
nē tuā sive Deus, sive Angelus, sive tu ipse, quia  
ponis eā pro libertate tua. Si enim nō ponerēs, sed  
omitterēs, Deus eā sicut non videret, ita nec præ-  
vidisset. Nec dixeris: si Deus prævīdit ab æter-  
no coopérationē meā Gratiaē suæ, ego cogar eā  
ponere, ne aliàs falsificetur Præscientia. Sicut e-  
nim per hoc, quod Deus actu videat aliquā actio-  
nē tuā quā, hic & nunc ponis, non cogeris ad eā;  
neque per hoc, quod Angeli, quod homines te  
intueantur agentē, tuque ipse actionē tuā videas,  
ullatenus necessitaris; sed ponis eam liberè; tam-  
etsi visiones ac cognitiones ejusmodi, habitis o-  
mnibūs



mnibûs requisitîs, physicè sint infallibiles: ita nec per hoc quòd Deus præviderit. Et ratio est: siquidem non hac de causa ponis actionem, quoniam hæc videtur aut prævidebatur ab Angelis, ab hominibus, à te ipso, & à Deo: sed potius quia ponis, ideo videtur & prævisâ est: Si enim non poneres, nec videretur.

51. Res pateat in exemplo. Age, quod vis ante speculum, & actiones tuæ relucebunt in eo necessariò: non tamen te cogit speculum ad actiones hujusmodi, sed agis liberimè. Sic Oculus Divinus habet sè instar speculi sumè infallibilis, repræsentat omnes actiones naturas liberas, futuras, præsentés, & præteritas. Nec per id libertas nostra læditur: si enim ex arbitrio nostro non essent futuræ, præsentés, & præteritæ, neque repræsentarentur ut tales in Deo, sed potius non futuræ, non præsentés, non præteritæ.

### PRINCIPIUM TERTIUM.

52. *Quorum tot cura circa veritatem Religionis indagandam, aut Penitentia, aliarum Virtutum opera promovenda? Vel enim ex æterna & efficaci Dei voluntate salvandus sum, vel non sum? Si sum salvandus, dabuntur proculdubio media, tempus & occasio præstandi ea, quæ præstanda sunt: Cura hæc non ad me, sed ad Dei Providentiâ, ne aliàs frustretur voluntas ejus, pertinet. Si verò non sum salvandus, inutilis prorsus est sollicitudo mea.*

53. Respondeo, totum hoc in solutione prioris Principii jam enervatum esse. Nam si egeris agenda sicut oportet, proculdubio salvaberis: ut autem sic agere aleas, dabuntur tibi auxilia à Deo etiam efficacia, modò facias quod in te est, juxta dicta

dicta superiùs. Placet tamen, quædam adhuc  
superaddere. Pro re indubitata habeas, Nemi-  
nem ex adultis æterna & efficaci Dei voluntate  
fore salvandum, nisi qui credit ac facit ea, quæ  
credenda sunt. Scriptum est enim: *Qui non cre-  
diderit, condemnabitur.* Marci 16. v. Et: *Si vis ad Vi-  
tam ingredi, serva Mandata* Mat. 19. v. 17. Et: *Pro-  
cedent qui bona fecerunt in resurrectionem vitæ, qui verò  
mala egerunt, in resurrectionem Judicii.* Joan. 5. v. 29.  
Et: *Venite Benedicti Patris mei, possidete Regnum: esuri-  
vi enim & dedistis mihi manducare; sitivi & dedistis mi-  
hi bibere; nudus fui, & cooperuistis me &c.* Mat. 25 v. 24.  
His præsuppositis.

54. Nullitatem præfati Dilemmatis indigito.  
*Si salvandus sum, labuntur media, tempus, & occasio, ad  
præstanda ea, quæ præstari debent: cura hæc Dei est, non  
mea &c.* Inepta prorsus est sequela, & similis huic:  
*Si fuero Romæ, iter Romam versus suscipiam.* Negatur  
suppositum, quòd esse Romæ sit conditio prære-  
quisita ad suscipiendum iter Romam versus: &  
non potius è contra: ac proinde sic discurren-  
dum esset: *Si iter Romam ducens suscepero, Deo dante  
ero Romæ.* Ita pariter negandum suppositum, quòd  
salus aut salvatio tua futura, sit conditio in ordi-  
ne ad hoc, ut habeas tempus & occasionem benè  
operandi, ipsaque media ad salutem. Potius è  
converso hæc sunt conditio ut salvandus sis &  
salveris. Et ideo prudenter loquendo sic disse-  
rendum est: Si tempus & occasionem rectè cre-  
dendi, ac benè operandi, quod salutem præcede-  
re debet velut medium ad eam, non neglexero,  
salvandus sum: Non autem ita ineptè: Si salvan-  
dus

dus sum operabor bene, aut dabitur occasio &c:  
 Impium quoque est, quod subjunxisti: *Cura hac  
 non ad me sed ad Dei providentiā, ne aliās frustretur vo-  
 untatejus, pertinet.* Nonne reliquit te Deus in ma-  
 nu Consilii tui? nonne liberum tibi est operari  
 vel non operari? Si operaris sicut oportet, salva-  
 beris, nec voluntas Dei de te salvando frustrabi-  
 tur; sin verò non operaris, damnaberis, nec fru-  
 strabitur Dei voluntas de te damnando. Igitur  
 cura eorum quæ credenda & facienda sunt, ad te  
 pertinet.

55. Dices: ex his duobus unum necessariò est  
 determinatè verum: nimirum quòd sum vel sal-  
 vandus vel damnandus in æternum. Cum itaque  
 nesciam, quid de me statutum ac futurum sit, co-  
 gor anxius hærere. Respondeo, bene dixisti:  
*Nemo enim cerrò scit, utrum odiò an amore dignus sit.*  
 Eccles. 9. v. 1. Hinc Apostolus: *Itaque cum metu &  
 tremore salutem vestram operamini.* Phil. 2. v. 12. Quid  
 inde sequitur? Ergo fac quæ potes, pœnitentiam  
 age, serva Mandata, exerce te in bonis operibus:  
 & spem firmam, te fore salvandum, meritò concipi-  
 pere poteris. Nam iis, qui talia agunt, appromis-  
 sa est salus.

56. Verbò, salvandus es & salvaberis infalli-  
 biliter, si in Fide Catholica ea feceris ad quæ o-  
 bligaris: facies autem usque in finem, si voles: id  
 siquidem in tua est libertate; cum & Gloria Dei  
 tibi præsto sit, etiam efficax, etiam specialis modò  
 facias quantum potes, & quod in te est. Audi S.  
 Augustinum nullibi clariùs quàm lib. 1. ad Simpli-  
 cianum q. 2. hac de re differentem: *Multi vocati,  
 pauci*



*pauci electi: illi enim electi qui congruenter vocati; illi autem qui non congruebant neque contemperabantur vocati-  
oni, non electi, quia non secuti, quàmvis vocati.*

# PRINCIPIUM QUARTUM.

57. *Theologi nostri Scholastici mira & imperceptibili-  
lia loquuntur: longè aliter se res ibi habet: experiemur  
postea totò calò diversa. Prorsus inutiles sunt subtilita-  
tes de quibus tractant: Deus ridet speculationes eorum &c.  
Vide hìc calumnias hæreticorum: Ita Theo:  
Scho: apud P. Gengel.*

58. Respondeo, Propositionem hanc esse hæ-  
reticam, impiam, temerariam, & prorsus fatuam.  
*Hæretica quidem est eatenus. quatenus nihil usi-  
tatiùs hæresi, quàm Theologiam Scholasticam  
detestari, & si possibile esset, ex omnium animis  
proscribere velle. Quod enim homines isti ti-  
ment, id execrantur; quod ignorant, blasphemant.  
Experientià profectò compertum est, in  
quantas angustias argumentis Theologicis redi-  
gantur: quodve, Divina sic ordinante Providen-  
tia, tametsi in profanis scientiis versati, ad subli-  
mitatem nihilominus Theologiæ Scholasticæ, ne-  
quaquam valeant eluctari. Ac proinde luporum  
dolosè svadentium ovibus, ut, si pacem servare  
vellent, latrantium à se molorum contuberniū  
arcerent, imitantur ingenium.*

59. *Impia est: cum scientiam hanc, inutilem,  
vanam, & risu dignam speculationem proclamet,  
de qua ex mente totius Ecclesiæ testatur Augusti-  
nus lib. 14. de Trinit. c. 1. Est scientia, quæ Fides salu-  
berrima gignitur, defenditur, roboratur. Quæ scientià  
non pollent Fideles plurimi, quàmvis polleant ipsa Fide*

*plurimum: aliud est enim scire tantummodo, quid homo credere debeat propter adipiscendam vitam beatam, quæ non nisi æterna est; aliud autem scire, quemadmodum id ipsum & piis opituletur, & contra impios defendatur.*

60. *Temeraria.* quoniam absque ullo fundamento, hoc imprudenter rejicit, quod omnes docti summopere approbant. Hanc spernit scientiam, qua toties usus est salvator noster adversum Phariseos & Saducæos, ut mox videbimus: quam, veluti scutum inexpugnabile & gladium ex utraque parte acutum, Ecclesiæ suæ contra adversarios, reliquit dicens: *Dabo vobis os & sapientiam, cui non poterunt resistere & contradicere omnes adversarii vestri. Luc. 21.* Quæ Paulus disputans confutabat Judæos & Gentiles: Quæ omnes hæreses debellârunt SS. Patres.

61. *Fatua* denique est: non solum quod omnium Doctorum sensui refragetur, verum etiam quoniam *hec blasphematur, quæ ignorat.* ut inquit Apostolus Jud. v. 10. De bacchantur homines ejusmodi contra facultates scholasticas, tametsi nec intelligant, nec percipiant, quidnam re vera tractet, quid doceat, quid defendat, aut quod collimet Theologia. Et ideo hæreticorum castra sequentes, in illam vulpis fabulam abeunt, spernentis ut acerbis uvas, quas nancisci non valebat. O utinam! sapientuli hujus mundi de fastu remittere, suumque Judicium sapientioribus submittere non detractarent, sanius profectò de Divina scientia hac, *Quæ Filiis suis vitam inspirat, & suscipit inquirentes se, & præbuit in via justitiæ, & qui illam diligit, diligit vitam. Eccl. 4. v. 12.* tentirent.

62. Ast discutiamus singulas impudentis principii partes. Theologos Scholasticos imperceptibilia, & speculationes prorsus inutiles ac ridendas docere aſſimas! Quid, quaſo, docent? audi, ut dicas rectius ſapere. Duplex tractandorum genus eſt, circa quæ veluti duos cardines, curſus volvitur Theologicus. *Primò*, quæcunque credenda & facienda ſunt, ut homo ſalvus fiat, declarant, explanant, & confutatis Adverſariorum obtruſionibus, ſtrenuè defendunt Theologi. Scholaſticorum enim eſt, univerſalia principia & fundamenta, ſacris Literis, Conciliorum definitionibus, nec non rationibus intellectum convincentibus, firmare ac ſtabilire, quibus univerſa Theologia poſitiva, Polemica, & moralis nitatur. Ne verò hæc in conſuſo duntaxat mirari magis quàm intueri cenſearis, relege tum hætenus dicta adverſus priora principia, tum nupernum Tractatum contra Syncretiſtas, *Miphivofeth ſpiritualis* nuncupatum, & notabilem Theologiæ Scholaſticæ partemprehendes. Hæcne imperceptibilia prorsus, aut inutilia. aut riſu digna ſunt?

63. *Secundò*, plurimas quoque profundiores Quæſtiones movere, ac Diſputationes ultra ea, quæ explicite revelata aut præcepta ſunt, inſtituere, ſubjiciendo tamen in omnibus judicium ſuum definitioni Eccleſiæ, conſueverunt Scholaſtici. Porro hæc, multiplicem, eumque ſanctum & honeſtiſſimum finem habent. 1. Ut dignitatem ac Excellentiam Dei, quantum per ſpecies abſtractivas licet, magis cognoscant, & conſequenter ferventiùs diligant, aliisq; magnalia Dei deprædicent.

Nonne id, quædam æternæ Beatitudinis particella est? 2. Ut Dei dona & eximia ejus beneficia hominibus præstita penitiùs intelligant, ideoque magis appetient, & quod inde sequitur, ad ipsum Datorem munerum laudandum, inflammentur efficacius. 3. Ut plures. de ultimo Fine nostro, & mediis ad eundem consequendum, veritates, (quas rudiores in confuso solum ac implicite, e. c. profitendo in communi quidquid docet Ecclesia, credunt) valeant quoque explicitè sicut cognoscere, ita & credere: Et consequenter, (si cætera præstanda adfuerint) ad clariorem visionem & majorem in Cœlis gloriam, tam ipsi pervenire, quam alios erudiendo, secum pertrahere. Hocnè vanum & inutile?

64. 4. Ut naturæ, qualitates, proprietates, divisiones gratiarum, ac virtutum, Fidei. Spei, Charitatis, Religionis, Gratitude, Justitiæ, Misericordiæ &c &c. intimiùs penetrentur, ac proinde tam ipsi quàm alii per eos, ad virtutis studium, validiùs pertrahantur. Exem: cau. in Scriptura dicuntur beati mites, beati misericordes, beati mundo corde, pauperes Spiritu, patientes, justi &c. Ast hi sunt termini universales: ut igitur practice sciant homines ejusmodi virtutibûs se exercere, explicandum est, in quonam consistat, quid sit e. c. Misericordia, Patientia, Justitia &c. quæ earum partes, requisita, species, gradus, proprietates, contraposita &c. Id faciunt Theologi Scholastici. Hocnè risu dignum? 5. Ut Ingenia sublimioribûs expolita speculationibûs, valeant in rebus planis & materiis obviis, rectas illationes, veritatis



tatis demonstrationes, Adversariorum repressio-  
nes, facillimè instituere. Certè experiètiâ con-  
stat, illos, qui scientias speculativas abjiciunt, vix  
quando in miteris Fidei & Virtutum, rectam con-  
sequentiam ponere, seu unum ex alio ritè infer-  
re. Qui autem hac in parte aliquid sapit, specu-  
lativam saltem ex parte didicisse, (sive interim in  
Scholis, sive ex Lectione Librorum, aut frequen-  
ti cum Catholicorum Theologis conversatione)  
debuerat.

65. Jam quisque lumine rectæ rationis præ-  
ditus dijudicet: num honestior, aut utilior, ma-  
gisque Creaturam rationalem decens, in hoc se-  
culo cogitari possit Occupatio, quàm sit Theolo-  
gia? Ac tandem concludat, homines, qui Divi-  
nam scientiam hanc flocci faciunt & averlantur, (si  
id reflexè agant) debere esse rerum Divinarum con-  
temptores; aut nimis immerfos mundi hujus va-  
nitatibus; aut hebetioris, studiisque altioribus mi-  
nimè proportionati intellectus; denique indi-  
gnissimò quòdam superbiæ Spiritu inflatos, quòd  
ea, quæ supra se sunt, & adorare deberent, teme-  
rè despiciant.

66. Addo: Demus gratis, nonnullas in Theo-  
logia speculationes non ex alio fine, nisi honesti  
discursus gratiâ, aut propter ipsum scire, aut pa-  
scendum intellectum, institui. Nonne id ipsum  
apprimè decet Creaturam rationalem? Vita hu-  
mana socialis discursiva & disputativa est, juxta il-  
lud: *Dic etiam aliquid, ut videamur esse duo.* Jam quæ-  
ro, de quibusnam rebus, viris in præminantia a-  
liqua constitutis differendum aut disputandum  
est?

est? De aliorum moribus loqui, est obloqui: de promovenda æconomia vel augenda Fortuna tractare multum, parum, & pertæpe infra eos est, dum supponuntur habere alios, qui curam istarum rerum gerant. De quo igitur cum vera mentis oblectatione discurrendum? Disputare de Natura universorum, de mirabilibus mundi & Cæli, de variis experienciis &c: & quidem ut per visibilia in cognitionem invisibilium & summi Authoris laudem pertrahamur, accessorium quoddam est ad Theologiam: & de his etiam Theologi, quatenus simul sunt Philotophi, sermocinari consueverunt. Illi tamen qui magis delectantur æternis quàm temporalibus, qui cum majori voluntate spiritum quàm corpus considerant, sublimiorem discursum, suæque distractionis prætendunt materiam. Nimirum de supremi Numinis proprietatibus & attributis, de ejus Omnipotentia, Omniscientia, Misericordia ac Justitia, de æternitate & Gloria Cælesti, de Christo Salvatore, Angelis, & Sacramentis, de Divina Gratia & virtutibus &c: &c:

67. Sed quid utilitatis Discursus ejusmodi afferunt? percontatur quispiam. Respondeo, emolumentum spirituale à num. 26. jam indigitavimus: imò ex dictis immediatè, liquet, vel ipsam honestam & animæ rationali apprimè convenientem distractionem, etiam si nulla alia adveniret utilitas, sufficere. Verum enim verò, si hoc duntaxat appetias, quòd utilitatem affert corporalem, videlicet, ut plus aliis manducare, bibere, & hujus mundi voluptatibus perfrui possis, plus de animali habes quàm Rationali.

68. Ex dictis colligitur, dicere, Deum talia ridere idem esse ac blasphemare. Quod verò addebatur: homines diversa ab iis, quæ modò narrant Theologi, in altera vita experturos; licet speciem aliquam veri præferat, errorem tamen sapit gravissimum. Verum quidem est, Deum & omnia spiritualia non posse in hac mortali vita cognosci per species proprias & sicuti sunt; ast per species duntaxat alienas: quod ipsum docent Theologi. Jam, quid inde? Hinc tantum sequitur, Divina & Catholica aliter se habere quoad modum existendi aut essendi, quàm nobis imaginemur; non autem aliter quoad ipsam existentiam vel non existentiam, aut essentiam, quàm affirmemus. In exemplo. Aliter se habet Deus in modò essendi ac existendi, quàm concipere possumus, imaginamur enim nobis Eundem instar viri longævi, aut solis, aut ignis &c: Non talis est Deus, reponunt Theologi cum Augustino. Non tamen aliter se habet quoad existentiam aut essentiam, quàm affirmant communiter Theologi, e. c. dum affirmant Deum dari, esse æternum, Omnipotentem, omniscium, justum, perfectissimum, Trinum in Personis & unum in Essentia &c.

69. Idem de aliis veritatibus censendum, si vè quæ expressè ab Ecclesia, credenda proponuntur; à Scholasticis verò contra hæreses strenuè defenduntur: sive in quibus, tametsi nondum explicitè ad credendum propositis, conveniunt Theologi. Quin imò vel in iis, de quibus disputant & controvertunt Scholastici, seu alii.

affirmant, alii negant, pars una contradictionis necessario debet esse vera, cum aliquid nec esse nec non esse, manifestè implicet. Ergo universaliter & irrestrictè asserere, nos diversa ab iis, quæ modò docent Theologi, comperturos postea, est à veritate longissimè aberrare.

### PRINCIPIUM QUINTUM.

70. *Opuscula Controversa & Disputationes in materia Fidei; non nisi ad tricas & animorum exulcerationes fovendas valent. Igitur proscribenda sunt talia.* Respondeo: expende haud perfunctoriè ea, quæ dicam, ut discas rectiùs sapere, per animæ salutem te obsecro! Demonstrabo enim, in hoc Pseudo-Principio & Fidem & Charitatem, & Pietatem Christianam prorsus defecisse.

71: *Primò, Vel credis illos Fidei Catholicæ articulos, quos Editionibûs nostris Polemicis adversus dissidentes propugnamus; vel non credis? Si credis, & nihilominus Lucubrationes aut Disputationes hujusmodi reprobas, Ergo pietate & charitate destitutus es, quòd nolis edoceri Proximum ea, quæ judicas ad salutem necessaria esse. Imò nec Fidem habes, cum non admittas, (quod toties Scriptura indigitat) prædicandam, tuendamque Religionis veritatem, Errores verò, ne tot animæ pereant, omni studio & conatu reprimendos esse. Si autem non credis, igitur non es Catholicus. Imò nihil re vera credis Fide Divina, sed solum dicis, quædam te credere, aut ad summum Fide duntaxat humana, nonnullis juxta arbitrium tuum assentiris veritatibus. Quod ipsum breviter sic declaro: Si enim Fide Divina*  
Dogma



dogma aliquod crederes, e. c. Deum esse Trinum & unum, moveri deberes ad id revelatione Dei: aut nequaquam moveris; alias enim pariter ad illa credenda, quæ moderni oppugnant, Dissidentes, movereris: cum æquè tibi constat, hæc à Deo (cujus Testimonium æqualis est authoritatis in omnibus) revelata esse, atque Mysterium Sanctissimæ Trinitatis.

72. *Secundò*, Vel approbas Christi Domini & Apostolorum in materia Fidei agendi modum; vel non? Si non approbas, qua fronte te Christianum vocitas? Si verò approbas, rudis es & in sacris Literis prorsus non versatus, eò quòd Disputationes, quas toties salvator ipse sicut & Paulus aliique Discipuli instituere, inconsultè viruperes. Sexcenta omitto Exempla. Mat. 22. v. 42. scriptum est; *Congregatis Phariseis, interrogavit eos Jesus dicens: Quid vobis videtur de Christo? Cujus Filius est? dicunt ei, David: Ait illis: Quomodo ergo David in Spiritu vocat eum Dominum; dicens: Dixit Dominus Domino meo sede à dextris meis &c. Si ergo David vocat eum Dominum, quomodo Filius ejus est? Et nemo poterat ei respondere Verbum.* Quis non videt, Christum eadem disputandi methodò oppugnasse olim adversarios suos, quàm nos hodie nostros?

73. Imò & confundebat errores, multisque rationibus ac sequelis conveliebat. Exem. cau. Mat. 23. *Vae vobis scribes hypocritæ! quia clauditis Regnum Cælorum, ante homines, vos enim non intratis, nec intròeuntes finitis intrare. Vae vobis Duces cæli! &c. Ubi toties vae ingeminat, variis que argumentis cæcos esse demonstrat. Numquid non disputavit &*  
Paulus

Paulus toties, e. c. Act. 19 v. 8. 9. *Per tres menses disputabat, suadens, de Regno Dei. Et Segregavit Discipulos, quotidie disputans in Schola cujusdam Tyranni &c.*

74. *Tertio*, Vel tenes firmiter, hæc quæ Disputationibûs & Opusculis nostris Polemicis tuemur contra dissidentes, à Deo esse revelata; vel non tenes? si non: Ergo non es Catholicus: aut nomen igitur muta, aut mores. Si tenes, & Scripta nihilominus nostra Controversistica obtrectionibûs laceras, ergo injuriosus es, 1. in Deum ipsum, volendo ut ea homines ignorent, quæ præcepit ac revelavit. 2. In S. Matrem Ecclesiam, quam contemni quidem & oppugnari ab Adversariis, non tamen defendi à suis Doctoribus, permittis. 3. In tot animarum salutem, quas obstructio ad veritatem inveniendam tramite, in errore culpabili persistere, &, quod inde sequitur, perire in æternum, desideras.

75. Quidnam utilitatis, tot Editiones nostrorum polemicæ adferant (reponit hic obtrector quispiam) non video. Dissidentes in opinione sua persistunt; nam vellicationibûs hujusmodi non sanantur vulnera, sed exulcerantur. Respondeo: bene dixisti, te non videre: excæcatum siquidem malevolentiam esse oportet illum, qui utilitatem adeo luculenter sive in Conversione haud paucorum Dissidentium, qui veritati acquiescunt; aliorum verò dispositione proxima ad eandem; sive in tot debiliū Catholicorum Confirmatione, relucens non advertit. Putasne, omnes simul Protestantes, aut saltem potissimam eorum partem, ad Ecclesiam subito redire

dire debere , aut labor noster utilitatis aliquid contulisse censeatur? Rem profectò inauditam à Sæculis, desideras. Facimus, quantum pro modulo nostro, Divina auxiliante gratiâ possumus, grandiora molimina altissimæ Providentiæ committentes. Vulnera præfatò modò non sanarii, subjungis: an nescis, ulcera reperiri ejusmodi, quæ, ut sanentur, secanda sunt & ustulanda? Experientiâ præterea compertum haberi scias, Sectariorum adversus Ecclesiam molimina, nulla re magis, quàm remissione nostra invalescere: nec unquam minùs, sive in scriptis sive in factis, formidanda esse, quàm dum non timentur à nobis.

## PRINCIPIUM SEXTUM.

76. *Sectariis propter Religionem non sumus molesti: relinquamus eos conscientie suæ: cum unusquisque de propriis actionibus, Deo sit rationem redditurus.*

77. Tu! tu strictissimam Deo, redditurus es rationem de animabus omnibus, quas perversis ejusmodi Principiis, à veritatis & salutis tramite injuriè detines. Non solum unusquisque pro se responsurus, sed pro aliis illi, qui in Jurisdictione publica constituti, errores & vitia non subvertunt, suosque, quantum possunt, non retrahunt ab interitu.

78. *Principium hoc adversatur Christo Salvatori nostro: qui Mat. 18. v. 17. disertè statuit: Si non audierit Ecclesiam, sit tibi sicut Ethnicus & Publicanus. Et Matt. 7. v. 15. Cavere jubet falsos Prophetas, id est errorum Magistros, lupis rapacibus, quos deinde Joan. 10. v. 12. baculò Pastoralì còercendos esse docet,*

docet, assimilando. Et si flagellò castigavit homi-  
nes Templum lapideum dishonorantes, Joan. 2 v. ar  
15. Quomodò castigari nollet eos, qui Ecclesiam ju  
Dei vivam innumeris violant calumniis & con-  
vitiis?

79. *Principium hoc adversatur Apostolis & mani-  
feste scripturæ. S. Paulus enim ait 1. Cor. c. 5. Nesci-  
tis, quia modicum fermenti totam massam corrumpit?  
auferte malum à vobis ipsis. Et Tit. 3. v. 10. Hæreticum  
hominem post primam & secundam correptionem devota.  
Et 2. Thes. 3. v. 6. 14. Denuntiamus autem vobis in no-  
mine Domini nostri JESU Christi, ut subtrahatis vos ab  
omni Fratre ambulante inordinatè, & non secundum tra-  
ditionem, quam acceperunt à nobis. Quodsi quis non o-  
bedit Verbo nostro, hunc notate, & ne commisceamini cum  
illo, ut confundatur. Imò 1. Cor. 5. v. 4. decreverat  
dicens: Judicavi, cum virtute Domini nostri JESU  
Christi, tradere ejusmodi satanae in interitum carnis, ut  
Spiritus salvus sit in die Domini nostri JESU Christi.*

80. *Principium hoc adversatur omnibus etiam an-  
tiquissima Ecclesiæ sanctis Doctores, totque piissimorum  
Regum ac Imperatorum Decretis & sententiis. Exem-  
cau. S. Augustinus circa An: Christi 390. contra  
Crescentium Grammaticum. l. 3. c. 51 tom. 7. lau-  
dans Nabuchodonosorem, quod graves pœnas  
adversum blasphemantes Deum, Danielis statue-  
rit, sic loquitur: In hoc Reges, sicut eis Divinitus præ-  
cipitur, Deo serviunt, in quantum Reges sunt, ut in suo  
Regno bona jubeant, mala prohibeant, non solum quæ per-  
tinent ad humanam Societatem, verum etiam quæ perti-  
nent ad Divinam Religionem. Frustra dicis: relinquo  
libero arbitrio. Cur enim non in homicidii, & in stupris,*



& in quibuscunque aliis facinoribus & flagitiis, libero te arbitrio dimittendum esse proclamamus? Quæ tamen omnia iustis legibus comprimi, iustissimum & saluberrimum est. Item Tom. 2. Epist. 146. ad Donatistas: Constantinus prior contra Patrem Donati severissimam Legem edidit. Hunc imitati Filii ejus. Quibus succedens Julianus desertor Christi & inimicus, supplicantibus vestris Rogationis & Pontio, libertatem perdicioni Patris Donati permisit. Denique tunc reddidit Basilicas hæreticis quando Tempia Daemonis: cõ modò putatis Christianum Nomen posse perire de terris, si unitati Ecclesiæ, de qua lapsus fuerat, invideret, & sacrilegas dissensiones liberas esse permitteret. Item Epist. 48. ad Vincentium: Donatistæ nimium inquieti sunt, quos per ordinatas à Deo Potestates cohiberi atque corripi, mihi non videtur inutile. Nam de multorum jam correctione gaudemus, qui tam veraciter Catholicam unitatem tenent atque defendunt, ut eos cum magna gratulatione miremur.

81. Pariter & S. Hieronymus in illud Gal. 5. Modicum fermenti totam massam corrumpit, scribens, disserit: Igitur scintilla statim atque apparuerit, extinguenda, & fermentum à massæ vicinia semovendum: secandæ putridæ carnes: scabiosum animal à caulis ovium repellendum: ne tota Domus, Corpus Massæ, & pecora, ardeant, putrescant, corrumpantur, intereant, Arius una scintilla fuit, sed quia non statim oppressa, totum orbem ejus flamma populata est. Et horum vestigiis, Christi videlicet, Apostolorum, Ecclesiæ Doctorum, piissimorum Principum, Regum, ac Imperatorum insistens Respublica Polona, tot statuta apprimè salutaria, e. c. in Celebrerrima illa Confæderatione Corcinenfi, contra Sectas Romanam

nam Catholicam Religionem oppugnantes, condidit.

82. *Principium hoc adversatur Charitati Christianæ.*  
Et quidem 1. Charitati quæ debetur Catholicis. Quicumque enim liberum erroribus concedit passum, iste, ut Populus noster iisdem inficiatur, permittit liberaliter. Sicut enim Parens ille, qui cibaria quædam in toxicato Filiolis suis apponi dissimularet, tametsi ab iisdem recedens, serio moneret, ne quidpiam inde gustarent, gravissimè contra Charitatem delinqueret, eò quòd periculo proximo, tenellos suos, qui ordinariè nituntur in vetitum, exponeret: Ita multò magis delinquant, qui venenum animæ, errores videlicet in Fide, protinus non removent à populo: 2. Adversatur Charitati, quam debemus Dissidentibus. Sicut enim is, qui conanti Vitam sibi, gladiò, scloppò, aut reſte, abripere, non resisteret, dum potest, haud leviter contra Charitatem peccaret: nec lex dari potest humana, quæ licentiam se ipsum interficiendi tribuat homini; Ita delinqueret à fortiori, qui errantibus circa Fidem, adeòque in æternum Animæ suæ exitium properantibus non poneret obicem: Nec ulla Lex libertatem talem concedere potest hominibus.

83. *Principium hoc adversatur Charitati erga sanctam Matrem Ecclesiam:* Tum quòd re vera velit, liberrimè permittendum esse ministris adversari-  
orum, ut pro more suo, mille contemptibùs, calumniis & mendaciis Ecclesiam nostram afficiant. Tum quia omnibus promiscuè licentiam re-  
dat novatoribus, ut variis & peregrinis insisten-

do doctrinis, innumeras hæreses olim jam in primitiva Christianitate anathematizatas ac sepultas, denuò in perniciem Ecclesiæ Catholicæ resuscitent.

84. Certè, quidquid antiqui olim errorum Magistri divisim, hoc moderni conjunctim docent. Exem. cau. Ariani negabant Deo Trinitatem Personarum, eò quòd voces hæ expresse non habeantur in Scriptura. Idem hodie Menistæ & Anabaptistæ faciunt. Nestoriani, Ariani, Eutychiani, Ecclesiæ Traditiones respuebant, nihil aliud credere volentes, nisi quod clarè ac dilucidè in sacris Literis exprimeretur: ut testatur Synodus 7. act. 1. Et S. Augustinus l. 1. c. 2. contra Maximinum. Idem & nunc docent Evangelici. Simoniani & Eunomiani affirmabant solam Fidem absque bonis operibus justificare: ut videre est apud Augustinum de hæres. c. 54. Quod ipsum omni conatu promovent Prædicantes Lutherani. Manichæi dicebant hominem habere liberum arbitrium (vide Augustinum de hæres. c. 46.) Sic Calvinistæ ac Jansenistæ. Donatistæ somniabant perissè Ecclesiam Christi visibilem, solumque mansissè invisibilem: ut scribit Irenæus apud Eusebium Hist. l. 5. c. 20. Paria somni ludibria experiuntur novatores.

85. Jovinianus jejunia Ecclesiastica rejiciebat, docensque Matrimonium melius esse Cælibatu, Virgines de Claustis extrahebat: ut narrat Augustinus de hæres. c. 33. Et Epiphanius hæresi 17. Vigilantius Reliquias, Cultum ac Invocationem Sanctorum oppugnabat: ut refert S.

D

Hierony-

Hieronymus contra Vigilantium. Ariani blaterabant, sacrificia, orationes, & eleemosinas non esse faciendas pro defunctis: ut testatur Augustinus de unitate Ecclesiæ c. 12. Berengarius realem Corporis Christi in Eucharistia præsentiam pernegabat. Leo Isaurus Imagines sacras, proseripserat. Donatistæ vocabant sedem Romani Pontificis, sedem pestilentia. &c. Hæc omnia a modernis renovantur novatoribus. Quicumque igitur præfato insistit Principio, nihil aliud suadet, nisi ut antiquæ hæreses, jam per tot sæcula sepultæ, & putrefactæ, totiusque Christiani Orbis iudicio ad tenebras damnatæ, denuò reviviscant, & Dei Ecclesiam disceipant fœdissimè.

86: *Principium hoc adversatur Charitati Deo debita*, non solum quantenus universaliter procedens, illis quoque Sectariis, qui Sanctissimam Trinitatem, & Christum Deum esse negant, permittit blasphemandi libertatem; verum etiam, quod licentiam quibuscunque aliis tribuens, vel ideo concedat, ut homines partim in renitentia Spiritui sancto manifesta, partim in dubio culpabili circa ea, quæ credenda & facienda sunt ad salutem, adeoque in continua Dei offensa perseverent.

87. *Principium hoc adversatur bonis moribus*: cum velit ut huic doctrinæ nulla molestia fiat, nullus ponatur obex, quæ maximum virtutibus bonisque moribus struit obicem: Videlicet de Prædestinatione & Reprobatione Calvinistica; de sublatione liberi arbitrii in ordine ad benè vel malè operandum, Jansenistica; de necessitate ad pecca-



peccandum. &c. Hac enim præconcepta, quis de virtutum studio vellet esse sollicitus?

88. *Principium hoc adversatur Paci & tranquillitati publicæ.* Nam ubi scindi di. idique Religio permittitur, pax vera, aut conjunctio animorum dari nequit: nisi fortè Fides, & quæ ad animæ salutem pertinent, pro nihilo habeantur. Quomodo, quæso, amicitia cum illo coli poterit stabiliter, qui contemnit meam Fidem, mea Sacramenta & media salutis; meamque explodit devotionem? qui me Idololatram vocitat, eaque omnia ridet, quæ ego magni facio? quem assiduè cavere debeo, ne me colloquiò illaqueet, suisque implicet erroribus?

89. *Experientiâ quoque didicimus, eos præcones, qui Romanæ Catholicæ Ecclesiæ opponuntur, ad tumultus & violenta consilia contra eandem; modò sese occasio offerat, comovenda; multum propensos esse: ut experta est Germania, Gallia, Polonia, Hungaria, Belgium, Transylvania &c. Constatque, eosdem unâ cum suis, ubicunque invalescunt, omnî possibili studiò Catholicos opprimere, à dignitatibus publicisque muniis excludere, ac tandem sensim vel cogere ad Sectam suam, vel de medio sui tollere: adeo, ut ab hoc procedendi modo, nequidem ibi, ubi Potestas suprema dominatur Catholica, valeant se continere. Vel in ipsa Polonia, sicubi prævaleant, quò, quæso, locò habent Catholicos? modò villam aliquam occupent, post breve temporis intervallum, paucos ibidem subditos reperies orthodoxos.* Verbò; quotquot unquam Roma-

næ Catholicæ Religioni sunt refragati, illum induerunt genium, ut, quò plus libertatis, Doctrinæ suæ conceditur à Catholicis, eò plus audeant contra eosdem: nec unquam magis Fidem nostram persequantur, quam dum favemus suæ. Quis igitur non advertit, memoratum Principium non posse cum tranquillitate publica subsistere?

90. Ibi Pax est & tranquillitas, ubi obedientia viget & iustitia. Ast quomodò hæc vigere potest, ubi Verbi Ministri assiduè hortantur Populum, ut ne quidem Ecclesiæ Catholicæ, quam Christus ipse audiendam esse præcepit, in rebus licèt æternam animæ salutem concernentibus, obediat? Nec pro scrupulo reputet appropriare sibi vel ipsa bona spiritualia? Addo: Quis pacem hanc esse veram dixerit, dum hominibus, ut in errore putrescant; in dubiis & anxietatibus, quænam credenda aut facienda sint, ut salvi fiant, fluctuent; ac tandem Religionem, Fidem omniaque cælestia postponent temporalibus, permittitur. Nonnè memorati Principii promotoribus illud Jeremiæ 8. v. 11. 12. convenit? *Sanabant contritionem populi mei ad ignominiam, dicentes Pax! pax! cum non esset pax: confusi sunt, quia abominationem fecerunt.*

91. Principium hoc adversatur Lumini rectæ rationis. Primò, quia talia conjungere satagit, quæ dictante hoc Lumine, stare secum nequeunt. Exemplum. Libidinem sentiendi in materia Fidei, & credendi, sicut unicuique videtur. cum vera Religione; falsitatem cum veritate; Schismata in Fide cum

cum pace publica & Regni tranquillitate. Verā amicitiam vel ipsi Ethnicorum sapientes sic definiabant: *Est firma concordia in rebus Divinis & politicis*: naturali ratione edocti, concordiam in Politicis servari non posse absque concordia in Divinis. Et ideo mecænas Augusto imperatori svaserat in ordine ad hunc finem, ne Sectas in Religione grassari permetteret: ut videre est apud Socratem de Principis institutione.

92. *Secundò*, quia doctrinis ejusmodi omnem tribuit licentiam, quæ ipsum rationis Lumen naturaliter hominibus inditum oppugnant. Quid enim huic Lumini difformius. quàm e. c. velle, à solo statuto scripto, absque visibili Controversiarum judice, judicari; spirituales Jurisdictionem, cujus sententiæ in rebus, quæ Religionem concernunt, acquiescant reliqui, admittere nolle; nullum Sacrificium externum, quò exterior Dei cultus exprimitur, statuere; Orationes pro defunctis Parentibus & amicis rejicere &c. &c.? Cùm nulla unquam per Orbem terrarum, vel ipsos inter Gentiles, fuerit natio, quæ Lumini rectæ rationis insistendo non censuisset oppositum esse admittendum.

93. *Principium hoc*, quò omnibus Sectis plena libertas conceditur, vel ab ipsis exploditur dissidentibus: & quidem tam Verbò quàm opere. Verbò, sicut e. c. à Theodoro Beza, secundo post Calvinum Protestantium Doctore, Epist. Theo. pag. 20. *Libertatem conscientis permittere, sinere unumquemque, si volet, perire, merè diabolicum dogma est. Et hæc illa est diabolica libertas quæ Transylvaniam hodie tot pestibus*

implevit<sup>1</sup>, quas nullæ alioqui sub sole Religiones tolerarent. Opere quoque, cum experientiâ compertum habeamus, nunquam Dissidentes ) modò possunt, nec cogantur aliunde ) tantum libertatis vel ipsis concedere Catholicis, quantum Catholicorum remissio iisdem permittere consuevit.

94. Tandem Principium hoc Religionem Christianam, Turcarum, aliorumque Infidelium ludibrio exponit. Rident Turcæ 1. blasphemantes, quasi Christus suos Cultores in unitate Religionis & concordie non valeat continere: Rident 2. quòd robur Christianum per tot Sectas in Fide, debilitetur adeo ut non valeamus tantopere adversum eos proficere. Rident 3. quòd non attendamus ad illud Christi Salvatoris nostri monitum: *Omne Regnum divisum contra se, desolabitur.* Mat. 12. v. 25. Porro experientiâ docet, nullò alio modò dividi magis hominum animos, quam per Sectas & Schismata in Religione. Rident 4. quòd vel inter ipsos Christianos reperiantur tales, qui cum Luthero Art. 34. in Bullam Leonis, santiunt, arma contra Turcas non esse arripienda. Rident 5. quòd doctrinæ & principia ejusmodi permittantur in Christianitate e. c. sic in materia Fidei sentiendum esse, quomodò unicuique videtur; perverfarum opinionum circa Deum & Religionem, Magistros non esse puniendos; vota Deo præstita non esse servanda; illum pro Reformatore Religionis & Propheta habendum de quo omnibus constaret, nullà vitæ sanctimoniâ, nullà morum integritate, nullo rerum mundanarum contemptu, nullis jejuniis aut mortificationibus corporis



poris &c. insignitum esse &c: quæ nec à Genti-  
bus approbantur.

95. Reponit hîc quispiam: *Fides est libera, est Dei Donum*: igitur nemo compellendus ad eam. Sed respondeo, neminem quidem cogendum esse ad Fidem primitus suscipiendam: qui tamen hoc Donum Dei semel suscepit, postea verò insolenter spernit, excutit, & profiteri renuit, compelli potest à Potestate Christiana, ut rectius sapiat, velitque Donum istud denuò recipere ac profiteri. Maximè cum & experientiâ, & Hæc c. 28. v. 19. didicerimus, quòd *Vexatio det intellectum*. Hinc juxta Concilium Toletanum 4. can. 55. *Li- cèt Judæi ad Fidem suscipiendam cogi non debeant, ta- men si eam semel susceperint, adigi possunt, ne eam dese- rant.*

96. Quoniam itaque Sectarii baptizati, Fi- dem Catholicam habitualement in Baptismo infu- sam suscipiunt, si postea ad ulteriorem ætatem provecti, eandem actualiter ejicere, ac profiteri nolint, sed novis adhærendo cõmentis, Donū hoc pervicaciter excutiant, poterunt urgeri ethi- caciter, & compelli svaviter, (juxta illud: *Compel- le intrare Luc. 14. v. 23.*) ut idem recipiant atque profiteantur. Et ratio ulterior est: cum enim plerique, vel velint indagare aut scire veritatē Religionis Catholicæ, malintque in dubio hæreere culpabili, aut saltem in perſuasione sua fallibili, ad quàm modò se reflectant, dubitare coguntur; vel esto sciant, eam nihilominus ob rationes tem- porales amplecti reluctantur: proinde si memo- rata accedant calcaria, facilè ad agnitionem veri-

tatis, ac demū ad liberam voluntatis resolutionem acceptandi Fidem Catholicorum, pervenient.

97. Liberum est, contrahere Matrimonium: qui tamen jam contraxit, potest adigi ut stet verbo, & uxori cohabitet. Castitas in quocunque statu, Dei Donum est: & nihilominus, qui eam non servat, sicut oportet, castigari solet legitimè. Numquid adulter dicere potest, nemo mihi sit molestus propterea, quia Donum Dei ad Castitatem matrimonialem non habeo? nulla esset hæc excusatio. Quia in potestate ejus est, modò velit cum Gratia Dei, habere donum castitatis matrimonialis. Sic & in potestate quorumvis Sectariorum est, ut, modò velint cum Divino auxilio, habere valeant donum Fidei Catholicæ. Cum autem multi sint, qui volunt intelligere ut benè agant, & rectè credant; multi qui sciunt voluntatem Dei, & non faciunt; urgendi igitur efficaciter, puta tamen modò unicuique statui proportionatò.

98. Dices, Christum ipsum reprehendisse imprudentem Zelum eorum, qui eradicare zizania statuerant, dicens: *Sinite crescere usque ad messem. Mat. 18.* Respondeo, id dictante recta ratione, & juxta omnium Doctorum sensum, sic intelligendum: si quando zizania in agro aliquo, eò quod per negligentiam aut somnolentiam hominum, eradicatio non sit tempestivè facta, adeo implicantur Tritico, ut sine grandi ruina & convulsione ipsius tritici, eradicari nequeant, tunc & in talibus circumstantiis dissimulandum est ad tempus,

pus, donec venerit messis. Et hanc rationem ipse affert Paterfamilias in Evangelio v. 29. *Ne forte colligentes zizania, eradicetis simul cum eis & triticum.* Applicatio est facilis.

### PRINCIPIUM SEPTIMUM.

99. *Arrogantia quaedam est, quod soli Ecclesiastici de rebus fidei statuere, contraversias dirimere; sacrarum Litterarum sensum determinare presumant. Arbitrantur se tantum scripturam intelligere: alii coguntur intellectum suum in obsequium interpretationis eorum captivare. Numquid Politicorum scientiarum laude destituti? etiam in nobis Spiritus sanctus est.*

100. En zelotypiam; per omnia similem huic Numerorum c. 16. *Core, Dathan, & Abiron steterunt adversum Moysen & Aaron: & dixerunt: sufficat vobis, quia omnis multitudo sanctorum est, & in ipsis est Dominus: cur elevamini super populum Domini? sed quid Zelus iste promeruit à Deo? Descenderunque vivi in Infernum: subjungit scriptura. En præclarum juris communis studium! simile illi, 2. Paralip. 26. v. 18. quo Ozias ipse thus adolere voluerat Domino: cui pontifex: Non est tui Officii Ozia, ut adolās incensum Domino, sed sacerdotum. Quod monitum quia non curavit, continuo lepra percussus est. En fucatam pietatem! simile illi 1. Reg. 13 v. 13. qua Saul non expectato Samuele, Holocausta Deo obtulit: cui Samuel superveniens: Stulte egisti, nec custodisti Mandata Domini Dei tui. Quod si non fecisses, jam nunc preparasset Dominus Regnum tuum super Israël in sempiternum: sed nequaquam Regnum tuum ultra consurget.*

101. *Numquid omnes Apostoli? numquid omnes Do-*

*Aores?* exclamat S. Paulus 1. Cor. c. 12. v. 29. Nul-  
lum profectò in Orbe terrarum Regnum daretur  
inordinatius, quàm Christi Ecclesia, si in ea omnes  
etiam sæculares docerent, id est, de rebus Fidei  
statuerent, controversias dirimerent, & unus-  
quisque juxta mentem suam sacras Literas inter-  
pretaretur. Quid rectæ rationi difformius, quàm  
si oves Pastorem, Filii Patrem, discipuli Magi-  
strum dirigere atque docere vellent? Solet quidē  
Spiritus S. id est Gratia ejus concedi etiam Poli-  
ticis & soli Populo, sed in ordine ad hoc, ut ea  
quæ proponuntur sibi ab Ecclesia, valeant credere  
aut facere prout oportet ad salutem: non autem  
ad docendum, seu quod idem est, ad statuendum  
de Fidei articulis, ad dirimendas Controversias,  
ad enucleandam scripturam. *Numquid omnes Apo-*  
*stoli? Numquid omnes Doctores?* Verum hoc solis  
concessum Ecclesiasticis à Salvatore nostro, &  
quidem Spiritus S. in ordine ad præstanda talia  
infallibiliter, ipsi appromissus est Potestati Eccle-  
siasticæ, nimirum Apostolis, eorumque legitimis  
successoribus.

102. Nonne Dominus ipse profitetur: *Vobis*  
*datum est nosse Mysteria Regni Cælestis, cæteris autem in*  
*Parabolis.* Luc. 8. v. 10. ? Et: *Dabit vobis Spiritum*  
*Veritatis, quem Mundus non potest accipere, quia non vi-*  
*det eum, nec scit eum: vos autem cognoscetis eum, quia*  
*apud vos manebit, & in vobis erit.* Joan. 14. v. 17. Et  
ideo præcepit audire Ecclesiam: *Si non audierit Ec-*  
*clesiam, sit tibi sicut Ethnicus & publicanus.* Matt. 18.  
v. 17.

103. Idem testantur Apostoli. Nonne mo-  
net



net Paulus: *Obedite praepositis vestris, & subjacete eis. Momentote Praepositorum vestrorum, qui vobis locuti sunt Verbum Dei: quorum intuentes exitum conversationis, imitamini Fidem.* Hebræ. c: 13. v, 17. 7. Et: *Sic vos existimet homo ut Ministros Christi, & Dispensatores Mysteriorum Dei.* Hic jam quaeritur, inter Dispensatores ut Fidelis quis inveniat: (Sed ad quem spectabit dijudicare, discernere? ad Politicos? ad Sæculares? ad Populum? Nequaquam: attendite quid subjungat Apostolus: ) *Mihi autem pro minimo est, ut à vobis judicer, aut ab humana die.* 1. Cor. 4: v 1. &c: Merito proinde Augustinus Epist. 162. docet. Consilium Episcoporum Generale legitime congregatum, esse ultimum Ecclesiae Judicium, cui qui non assentitur, hæreticus est.

104. Controversia olim de Circumcisione, num admittenda inter Christianos, exorta fuerat. Quis eam conclusit? Concilium Apostolorum Act. 15. Emergit Controversia circa Christi Divinitatem, quam Arius blasphemabat. à quo dirempta? à Concilio Episcoporum Nicæno primo. Erat Controversia, num Spiritus S. verus sit Deus? quis eam adversus Macedoniū terminavit? Concilium primū Constantinopolitanum, Controvertebatur, utrum una duntaxat Persona in Christo, & duæ Naturæ? Quis eam contra Nestorium Eutychetam ad felicem exitum perduxit? Concilium Calcedonenfe. Controvertebatur de Imaginibus sacris, num in Templis habendæ? Quis convicit Iconoclastas? Concilium Nicænum secundum. Controvertebatur inter quosdam, num Christus realiter sit præsens in Eucharistia, an figuratè.

figuratè solùm? Quis errorem profligavit? Idem Concilium, & alia. Controversia fuit cum Græcis, de Processione Spiritûs S. Quis eam solvit? Concilium Florentinum. Idem censendum de Controversiis á Luthero, Melanchtone, Zwinglio, Calvino & aliis, excitatis, quorum errores Concilium Tridentinum ex Episcopis & doctissimis totius Christianitatis Viris Ecclesiasticis congregatum damnavit, & Catholicos quidnam credendum sit, disertè edocuit. En adverte! quorumnam sit de rebus Fidei judicare & Statuere.

105. Vel in ipsa lege veteri, solis sacerdotibus ex Dei Ordinatione competeat, de rebus Divinis judicium ferre. Exem. c. Malach. 2. v. 7. *Labia sacerdotis custodient scientiam: & Legem requirunt ex ore ejus.* Et Ezech. 44. v. 23. *Sacerdotes Populum meum docebunt, quid sit inter sanctum & pollutum, & inter mundum & immundum, ostendent eis. Et cum fuerit Controversia, stabunt in judiciis meis & judicabunt.* Hinc Rex Josaphat 2. Paralip. 19. v. 10. ad sacerdotes *Judicate omnem causam quæ venerit ad vos, Fratrum vestrorum, de Mandato, de Cæremoniis, de justificationibus: Ostendite eis, ut non peccent in Dominum.* Amarias autem Pontifex Vester, in his quæ ad Deum pertinent: *præsidebit.* En! si id veteris legis, multò magis Novæ, Presbyterio concessum est. Hoc siquidem excellentiori incomparabiliter Potestate, Gratiâ.

106. Et S. Athanasius in Epistola ad solitariam vitam agentes, laudat Hosium Cordubæ Episcopum, quòd Constantino Imperatori dixisset:

*Ne præcipe nobis in hoc genere, sed ea potius à nobis disce: tibi enim Deus Imperium commisit, nobis ea quæ sunt Ecclesiæ, concredidit. Et S. Gregorius l. Epist. 25. de Mauritio Imperatore: sciinus (inquit) piissimos Dominos disciplinam diligere, ordinem servare, Canones venerari, & se sacerdotalibus negotiis non miscere. Si igitur vel ipsis Principibus, negotia Ecclesiastica tractare, de iis quæ ad Religionem pertinent, discernere &c: non est concessum, multò minùs aliis sæcularibus.*

### PRINCIPIUM OCTAVUM.

107. *Nimis dominantur nobis Spirituales. Externum Ecclesiæ Regimen in omnibus quæ ad Spiritum spectant, soli tenere præsumunt. Leges condunt, præcipiunt, prohibent, iudicant, pœnis Ecclesiasticis subiciunt, ac denique pro Calvinis ad Potestatem Politicam remittunt sæculares. Dominium hoc statum & conditionem Ministrorum Ecclesiæ nimis excedit.*

108. Respondeo, hæc dum faciunt, intra juris Divini & rectæ rationis limites re vera se continent, nec ullatenùs nimis dominantur. Christus JESUS, Rex Regum & Dominus Dominantium, cui data est omnis Potestas in Cœlo & in Terra, præfatum Regimen Ecclesiasticum, solis Spiritualibus, id est, selectis ejusmodi Viris, quibus & prædicatio Evangelii, & Sacramentorum administratio appropriata est, nimirum Discipulis suis eorum successoribus, tribuit. Quis igitur hoc ipsum iisdem negaverit? Nec ullibi in Evangelio legitur, Salvatorem, memoratum Regimen externum Politicis, aut omni promiscuè fidelium populo concessisse.

109 Matt. 19. v. 17. inquit Dominus, loquens de Fratre delinquente: *Dic Ecclesiae: si autem Ecclesiam non audierit, sit tibi sicut Ethnicus & publicanus.* Et ne quis ambigeret, nomine Ecclesiae solos in presenti intelligi Ecclesiasticos, immediatè sequenti versu 18. convertens se ad Apostolos, subiungens: *Amen dico vobis quaecunque alligaveritis super terram, erunt ligata & in Caelo, & quaecunque solveritis super terram, erunt soluta & in Caelo.* Et Luc. 10. v. 1: *16. Post hæc autem designavit Dominus & alios septuaginta duos, & misit eos binos ante faciem suam in omnem Civitatem &c: & ait illis: Qui vos audit, me audit; & qui vos spernit, me spernit.* Et Matt. 16. postquam discipuli enarrassent, quidnam Populus de Christo sentiret, nimirum alii Eliam, alii Jeremiam esse; Petrus verò respondisset, non ex commissione reliquorum Apostolorum; nec veluti deputatus ab Ecclesia: sed ex revelatione æterni Patris: (sicut Dominus ipse testatur v. 17. *Beatus es Simon Bariona, quia caro & sanguis non revelavit tibi, sed Pater meus qui in Cælis est.*) *Tu es Christus Filius Dei vivi.* Dixit ei JESUS: *Tu es Petrus &c: Et tibi dabo claves Regni Cælorum &c:* Porro per traditionem clavium Petro ejusque successoribus; Romanis videlicet Pontificibus factam, supernam ac universalem Potestatem, adeoque & prædictum externum Ecclesiae Regimen denotari, complures nos sacri Codicis sententiæ certificant. Exem. cau. Isai 22. v. 20. ubi Institutio summi Pontificis describitur, sic habetur: *Dabo clavem Domus David super humerum ejus, & aperiet & non erit qui claudat; & claudet, & non erit qui aperiat.*



no. Hinc sicut Apostoli ipsimet regebant omnem Ecclesiam, ita & solis viris Ecclesiasticis, nunquam verò fidelibus promiscuè, communicaverunt. *Quid vultis, (inquit Paulus) in virga veniam ad vos, an in charitate & Spiritu mansuetudinis?* 1. Cor. 4. v. 21. Et Act. 20. v. 8. *Attendite vobis universo gregi, in quo vos Spiritus sanctus posuit Episcopos, regere Ecclesiam Dei.* Et Hebr. c. 13. v. 7. *Mementote Præpositorum vestrorum, qui vobis locuti sunt Verbum Dei, quorum intuentes exitum conversationis, imitamini Fidem.* En viri spirituales sunt Præpositi! Et v. 17. *Obedite Præpositis vestris & subjacete eis: ipsi enim pervigilant, quasi rationem pro animabus vestris reddituri.* Et 1. Cor. 12. v. 28. *Quosdam quidem posuit Deus in Ecclesia, primum Apostolos, secundò Prophetas; Doctores, &c. Gubernatores &c.*

iii. Certè per annos ferme 300. paucissimi fuerant sæculares in Ecclesia Principes aut Magistratus Christiani: & tamen eade fuit Ecclesia quæ nunc est, idem Regimen spirituale. Si igitur tunc Ecclesiastici, jure regebant populum in spiritualibus, cur non modò? Merito proinde S. Ambrosius Imperatori Valentiniano (ut ipse refert Epist. 33. ad Sororem) dixerat: *Noli te gravare Imperator, ut putes, te in ea, quæ diversa sunt, aliquod Imperiale jus habere. Publicorum tibi munus, jus commissum est, non Sacrorum.* Vide plurà num. 106.

ii. Vel in ipso Testamento veteri, Sacerdoti, præsertim summo obtemperare debebant omnes sæculares; nec unquam sæcularibus concessum est Regimen spirituale. Unde Deut. 17. v. 12. habe-

12. habetur: *Qui superbiêrit, nolens obedire sacerdotis Imperio, qui eo tempore ministrat Domino Deo tuo, morietur homo ille, & auferes malum de Israël.* Et ideo Josaphat Rex 2. Paralip. 19. v. 1. urgebat: *Amarias sacerdos & Pontifex vester, in his quæ ad Deum pertinent, presidebit: porro Zabadias Filius Ismahêl, qui est Dux in Domo Juda, super ea opera erit, quæ ad Regis Officium pertinent.* Quàm verò rigidè multaverit eos Deus, quicumque oppositum ausi sunt facere, constat ex dictis num. 100. infero: Ergo á fortiori idē concedendū de sacerdotio novi Testamenti, cū hoc infinities (ut ita dicam) sit præstantius, quàm fuerit illud.

113. Verū enim verò, dic, quæso, in quonam nimis dominantur Ecclesiastici? Sed quid mente volvas, ássequor: Excoṁmunicationis fulmen quo perstringuntur contumaces, præsertim dum pro poenis ulterioribus ad Tribunal Politicum fit remissio, nimis displicet. Ast imēritò: nam Potestas hæc innumeris scripturæ locis (ut constat ex dictis) evincitur. e. c. *Si non audierit Ecclesiam, sit tibi sicut Ethnicus & publicanus.* Mat. 18. v. 17. inquit Dominus. Nonne hoc idē est, ac esse excoṁmunicatū? *Hereticum hominem post unam & secundam correptionem evita.* Tit. 3. v. 10. inquit Saulus. Quid aliud fit in Excoṁmunicatione? Et: *Nescitis quia modicum fermenti totam massam corrumpit? auferetè malum ex vobis ipsis.* 1. Cor. 5. v. 16. 13. Et: *Si quis non obedit verbo nostro, hunc notate, & ne commisceamini cum eo, ut confundatur.* Imò S. Paulus quosdā contumaces, *In virtute Domini nostri JESU Christi tradidit satana in interitum Carnis, ut Spiritus salvus esset* 1. Cor.

1. Cor. 5. v. 5. Hinc Augustinus contra Adver.  
Leg. & prop. c. 17. *Horribilis res est per Excommunicationem tradi satana.*

114. Quòd autem Ecclesia eos, qui ad sanio-  
rem sensum poenīs spiritualibūs reduci nolunt, &  
ejusmodi anathematis fulmina spernunt contu-  
maciter, ad sæculare Judicium remittat, rectè fit  
& legitimè. Cùm enim Ecclesiastici cavere de-  
beant, ne unà scabiosa ovis inficiat alias, hacque  
finis, sit Excommunicationis, (ut testatur scri-  
ptura) qua ratione huic fini satīs fieret, absque  
brachio sæculari, dum obstinatus anathematis  
Sententiæ non obtemperat? sicut igitur alia sce-  
lera (ut docet experientia) per solam Excom-  
municationem sinè Potestatis Politicæ admini-  
culo satīs abigi nequeunt, ita nec errores in Fi-  
de. Unde S. Augustinus locò superiùs citatò  
ait: *Numquid satīs est, quòd adulterum tuum dome-  
sticum, aut furem qui te quotidie despoliat, sacris moni-  
tīs corripas, aut Spirituali Excommunicationis gladiò  
ferias? hincnè subsistes?*

115. Et hæc in Ecclesia praxis, subjiciendi  
videlicet poenīs sæcularibus eos, qui conte-  
mnunt Ecclesiasticas, semper fuerat. Circa An-  
num Christi 272, Postquam Ecclesiæ primitivæ  
Patres Samosatenum hæreticum in Synodo ex-  
communicassent, ipse verò nec Excommunicationem  
curare, nec sedem Episcopalem relin-  
quere voluisset, recursum ad Imperatorem Au-  
relianum, tametsi Ethnicum fecerant, supplican-  
tes, ut eundem vi expelleret, ne homines er-  
rore suo inficeret; quod & præstitit Impera-

E

tor.

tor. Similiter Constantinus ( ut refert Eusebius l. 7. c. 24 ) ad Episcoporum instantiam, Arium, prohibuit redire Alexandriam. Idem faciebant Constantini Magni successores cum aliis hæreticis, quos nunc mulctâ pecuniariâ, nunc Exiliô, cæterisque pœnis cõdorcebant : ut videre est apud S. Augustinum Tom. 2 Epist. 146.

116. Nec propterea crudelitatis nota inurenda Ecclesiæ : id siquidem unicè facit propter salutem tum infectorum, ut sanentur; tum aliorum, ne inficiantur: quam negligere, maxima foret crudelitas. Nemô Deo clementior est, & nihilominus severè punit peccatores; imò & illos quos diligit, castigat. Mitissimus virorum fûerat Moyse, quamvis Exo. 32. & Num. 16. Deo, sibi que rebelles gravissimè mulctaverit. Elias, Elisæus &c. Viri erant mansuetissimi, non tamen à puniendo abstinebant. Mansuetudo prudens & charitas non in hoc consistit, ut nunquam plectantur delicta: sed potius, ut bono fine atque ex amore proximi, dum id animarum salus exigit, puniantur: videlicet, ut redeant ad cor prævaricatores, alii metuant, Innocentes verò à corruptela defendantur.

117. Hic quidam ingrati, & immemores eorum à quibus Fidem & salutis viam didicerunt, reponere non verentur: Ecclesiasticorum esse, ministrare Fidelibus bona animam concernentia; non regere, non imperare: Ministri siq. idem Ecclesiæ in sacris Literis nuncupantur. Verùm Respondeo, duplex dari Ministerii ac servitii genus: unum est laborare & servire *regendo ac* *presiden-*



*presidendo*; alterum, laborare & servire *obediendo & parendo*. Secundum competit mancipiis, aut iis qui promissio sibi stipendio, ad servientium utilitati temporali conducuntur. Porro Ecclesie Ministri, qui multo magis sunt Dei servi quam hominum, non ad secundum servitii genus (ut est manifestum) sed ad primum, (ut constat ex scriptura num. 109) referuntur. Serviant non Corpori, sed anime, dona subministrando Caelestia. Serviant Ecclesie, sed eam regendo. Serviant Fidelibus, sed sicut Magistri Discipulis, sicut Patres Filiis, sicut Pastores ovibus, sicut Praepositi subjectis sibi in Spiritualibus.

118. Urgent adhuc nonnulli cum Calvino Insti. l. 4. c. 20. qui contra Ecclesie Catholicae Regimen & Monarchiam adducit ac perversè exponit illud Luc. 22. v. 24. 25. *Facta est contentio inter eos, quis eorum videretur esse major? Dixit autem eis: Reges Gentium dominantur eorum -- vos autem non sic.* Respondeo, sicut hic ita & alibi, e. c. Matt. 20. v. 26. Christum nequaquam Regimen externum Spirituale aut Monarchiam ab Ecclesia removisse, sed potius instituisse; solumque monuisse, hanc diversam esse debere à Monarchia Gentilium Politica. Primò enim non dicit Dominus, vos non praesidebitis ullò modò, aut, non sicut Reges Gentium. Dicere autem, tu non sic praeris ut ille, idem est, ac dicere, tu praeris quidem, sed aliter quam ille. Deinde eodem capite, v. 26. clare subjungitur: *Qui major est in vobis, fiat sicut minor, & qui Praecessor est* (quod ex Graeco Ducem ac

E 1      Princi-

Principem denotat) *sicut Ministrator*. Igitur unus designatus erat à Domino Major, Præcessor, Dux & Princeps inter cæteros. Hic autem ministraturus erat reliquis, sed præfato ministrandi modo, regendo videlicet & præsidendo. Sicut & ipse Salvator proculdubio regebat Ecclesiam, quamvis dixerit: *Filius hominis non venit ministrari sed ministrare*. Matt. 20. v. 28.

### PRINCIPIUM NONUM.

119. *Divitias nimis multas possident Ecclesiastici. Non talis eorum status in Ecclesia primitiva fuerat. Non sic pompatisè incedebant olim Apostoli, ut modò Episcopi, aut S. Petrus, sicut Romanus Pontifex.*

120. Respondeo 1. Quidquid possident, jure possident: nec tuum est, judicare, nimis nè an non possideant. Complures reperiuntur nobiles aut Concives, qui te Fortunæ bonis superant incomparabiliter. Quid? Igitur eripienda illis superflua, ut omnes reddantur æquales? nemo prudens id dixerit. Ergo multò minùs dicendum de bonis spiritualium.

121. Respondeo, 2. falsum est, quòd nimis multa possideant. Siquidem tantùm illis de bonis Ecclesiasticis participare duntaxat permittitur, quantum ad congruam eorum sustentationem, spectatà uniùscujusque, statùs, dignitatis, Conditionis proportionem, sufficit. Quòd autem reliquum est, (si fortè est) tenentur in pauperes & Ecclesiæ decorem, aliaque pia opera, ad commune Religionis emolumentum, convertere. Sicut plurimi Beneficiati plùs quàm satis, faciunt. Si quis autem non fecerit, Deo reddi-

redditurus est rationem. Nec ad te, sed ad Ecclesiæ Rectores spectat, talia dijudicare.

122. Quod verò de externo Ecclesiastico statu & apparentia dicitur, hanc nimirum non fuisse tantam in Ecclesia primitiva, ex circumstantiarum & illius ævi ignorantia provenit. En ineptias! Eratne possibile, ut calamitoso illo tempore, quando Christiani omnibus Fortunæ bonis impunè spoliabantur ab Infidelibus; cùm Episcopi & Sacerdotes, alii raptarentur ad carceres & tormenta; alii pellerentur in exilium; alii abscondi in antris, alii fugere de Civitate in Civitatem, alii sub vulgari vestimento latere cogerentur &c: possibile nèn erat, ut protunc juxta gradum & proportionem Dignitatis suæ Ecclesiæ, sicut modò, comparerent in publico? poterant nèn illis sæculis, Christiani decorem Domûs Dei, & Ecclesiarum Ornatum, ad ædificationem spectantium promovere? Quid? num protunc quoque pulsari palam Tympana & Organa debebant, inflari tubæ, Processiones institui, ad Elavationem sanctissimi Sacramenti explodi Tormenta &c: ut talia modò liceant? ubi prudentia? Verbò: Quoniam in præfatis circumstantiis tantus apparatus fieri non poterat, ideo nec fiebat.

123. Postquam verò Imperatores & Principes Fidẽ suscepere Christianam; paxque Ecclesiæ Catholicæ ac libertas restituta est; Postquam tot tantique Viri etiam de Regum ac Principum Prosapia, Romano Catholico Presbyterio aggregati & consequenter ad congruam eorum su-

stentationem reditus stabilis, institutis ubique fundationibûs, donati sunt: aliam confestim Prælatorum ac Ecclesiarum dignitas, ad Dei gloriam, Christianæ Devotionis Majestatem, & ædificationem Populi efficacius promovendam, faciem induerat. Verbô, quando hic sacrorum apparatus manifestari non poterat, prudenter celabatur; dum verò potest, explicatur prudentissimè. Ut patet ex communi sensu non spiritualium duntaxat, sed & Politicorum, tot Regum, Principum, ac piissimorum Virorum, bona sua in memoratum Ecclesiæ decorem contribuentium. Quorum refragari judicio, est delirare.

124. Addo: si Ecclesiæ Prælati, bonis ejusmodi, adeoq; externô robore non essent instructi, quid contra tot discolos, contumaces & mundo deditos Christianos monitûs suis salutaribûs proficerent? quomodo scandala & morum corruptelas efficaciter averterent? profecto, Potestatem quàm à Deo habent, nunquàm debitè exercere possent. Patet id in oppositorum Prædicantibus, qui nunquàm audent Potentiorum flagitia insectari urgentius: & si quis tentet, de statu suo ad extremas angustias deturbatur. Student proinde placere hominibus, eaque prædicare, quæ sibi à Politicis præscribuntur. Nonnè verificatur de illis, quòd Apostolus prædixerat: *Erit tempus, cum sanam Doctrinam non sustinebunt, sed ad sua desideria coacervabunt sibi Magistros prurientes auribus: & à veritate quidem auditum avertent ad fabulas autem convertentur* 2. Tim. 4. v. 3. 4. Tales ne in



ne in Ecclesia Catholica Doctores, O perverse invidiosorum principiorum fabricator! habere delideras, qui, postquam in multis Christiana illa defecit simplicitas, & intumuit unâ cum Potentia vanitas, necessitate propria impediti, vel non audeant, vel non valeant dicere atque tueri veritatem? aliter monet Apostolus: *Prædica Verbum, instâ opportunè importunè: argue, obsecra, increpa, in omni patientia & doctrina.* 2. Tim. 4. v. 2.

### PRINCIPIUM DECIMUM.

125. Possunt saltem successores & hæredes de illis fortunæ bonis Spiritualibus disponere pro libito, quæ eorum Antecessores, Parentes, aut prædavi donârunt Ecclesiasticis.

126. Respondeo, id eos nullo jure sive Divino sive humano (nisi fortè lupino) posse. Licetnè tibi, hoc quod Pater vel Avus tuus donavit aut vendidit vicino, eidem eripere? Ergo multò minùs licebit usurpare ea, quæ Deo in servis suis donata & consecrata sunt. Num vicinus tuus jus habet strictius, quàm Dei servi, quàm Deus ipse? Deus Antecessoribus, Parentibusque tuis inspiraverat: (ut simile quid videre est Exo, 13.) Hæc mihi dabitis, in conservationem Famulorum meorum, & recognitionem altissimi Dominii mei: ut sciatis, cuncta quæ possidetis, à me haberi, & omnia vestra, mea esse. Obtemperârunt Divino Mandato boni Parentes tui: contulerunt villas, agros, census, decimas in sustentationem sacerdotum honestam, congruam ac proportionatam statui suo;

in provisionem, Ecclesiis, Scholis Hospitalibus, Viduis atque pupillis faciendam. Ast Filius degener, nepos impius, talia piissimè legitimèque data, donata, atque possessa, Deo in servis suis, in pauperibus suis eripere non veretur! Quo, quæso, Jure? manifestum est, quòd non Christiano: imò nec Ethnico: cùm nullibi legatur, Gentiles legem tam barbaram, tam iniquam, tam impiam condidisse.

127. Verùm enim verò, si Justitiæ ac Pietatis rationibûs non moveris, saltem te injuriarum hujusmodi ultrix pœna, quàm Deus statim ab initio Ecclesiæ, ad omnium Posterorum terrorem & cautelam, in Anania & Saphira uxore ejus, monstrare voluit, rectius sapere edoceat. Virum hunc S. Petrus Act. 5. v. 4. sic alloquitur: *Nonne manens tibi manebat, & venundatum in tua erat Potestate? Quare posuisti in corde tuo hanc rem? Non es mentitus hominibus sed Deo. Audiens autem Ananias hæc Verba, cecidit & expiravit. Et factus est timor magnus super omnes qui audiverunt.* En! si ipsimet Ananiæ, qui sponte propria Agrum suum in Ecclesiæ bonum vendiderat, non licebat, voluntatem suam retractare; multò minùs id licuisset hæredibus suis.

128. Vel in Ethnicis ausus ejusmodi non reliquit Deus impunitos. Dan. 5. postquam Balthasar aurum ac argentum de Templo Salomonis, à Patre suo Nabuchodonosore asportatum, in profanos usus convertisset, eadem nocte miserè periit. Quo casu perterriti Reges successores ejus, præfato Ecclesiæ Thesaurò uti non aude-


audebant. Sed mansit in Babylonia annis 70. donec Cyrus in Regnum hoc successor, (ut videre est i. Esdræ l.) eundem Jerosolimam servis Dei intactum remisit.


129. Ast hæc saltem (reponit quispiam) licebit bona Ecclesiastica ab Antecessoribus suis donata, recipere, qui Fidem excutit Catholicam, talesque sibi adsciscit Ministros, qui doceant, talia licere. En jus commentitium contra Dei & Naturæ legem fabricatum! En novum & inauditum acquirendi Juris titulum! Ideonè, quòd unum delictum commiseris, jam licebit patrare & alia? Audi! quid tibi Deus, quid Ecclesia respondeat. Quòd Fidem abjeceris Catholicam, in tuam hoc fecisti perniciem. Ast quod meum est, ne tibi usurpaveris. Mutasti Religionem: sed Antecessorum tuorum, Fidem Catholicam profitentium, nec de Luthe- ro aut Calvino cogitantium voluntas ac donatio, solis Romanæ Ecclesiæ sacerdotibus, & adhuc Ecclesiæ Religionē ac devotionē promovendā facta, manet immutabilis. Quæ Lex, quæ recta ratio, jus tribuere potest, ut si quis Religionem nostram excutiat, jam eo ipso, hæc in suos usus convertere, aut aliis elargiri valeat, quæ sacerdotibus Catholicis, olim donata sunt?













Biblioteka Jagiellońska



stdr0026701

